

AI 2008

Ilanngussaq 2, oqaasertaliussat

Naalakkersuisut - Suliassa qarfiit 10 - 89

Nr. 1.

Naalakkersuisut piginnaatinneqarput suliassa qarfiit allanngornerisa malitsigisaanik kontut pingaarnertit akornanni aningaasaliissutinik oqaasertaliussanillu nuussisinnaanermut.

Nr. 2.

Kiisalu Naalakkersuisut piginnaatinneqarput allaffissornikkut kontut pingaarnertup xx.xx.01-p kiisalu kontup pingaarnertup 20.11.56-p Missingersuutitut iluarsisutit, allaffissorneq, kiisalu suliassa qarfiup 10-89-imi allaffissornermut tunngasuni kontot pingaarnertit akornanni aningaasaliissutinik nuussisinnaanermut.

Nr. 3

Naalakkersuisut piginnaatinneqarput aningaasartuutissat Namminersornerullutik Oqartussat pigisaanni akisussaaffigisaanniluunniit illorsuarni, sanaartukkani pigisanilluunniit tillinniarnikkut, ikuallannikkut imaluunniit allatut ajutoornikkut il.il. pilersimasut akilernissaannut.

Nr. 4.

Atorunnaarsitsinermit aningaasartuutinik ilanngaasariikkanik imaqartunik kiffartuunneqarnermit isumaqatigiissusiornissaminnut Naalakkersuisut piginnaatitaapput. Taakku kontunut pingaarnertut tulliuuttunut tunngasuupput: 64.10.12 Nioqqutissanik pilersuineq, 64.10.14 Ingerlatsinermit isumaqatigiissutit tunisassiorfiit aammalu 64.10.24 Usinik angallassineq.

Nr. 5.

Naalakkersuisut piginnaatinneqarput pigisat nalillit Namminersornerullutik Oqartussat pigisaasa 5 mio. kr. ataallugu nalillit tunineqarnissaat pillugit suliassat aalajangiivigisarnissaannut. Pigisat nalillit 1 aamma 5 mio. kr.-it akornanni nalillit tunineqarpata Inatsisartut Aningaasaqarnermit Ataatsimiititaliaat ilisimatinneqartassaaq.

Aningaasanut Nunanullu allanut Naalakkersuisoq - Suliassa qarfik 20 - 27

Suliassa qarfimmut 20-imut Aningaasaqarnermut Pisorta qarfik

Naalakkersuisut piginnaatinneqarput Royal Arctic Line A/S-ip umiarsuaataanik sikusiorsinnaasunik, Irena Arctica, Nuka Arctica aamma Naja Arctica, piumasaqaatitaqanngitsumik umiarsuit naatsorsuutini nalingisut akilerlugit pisisinnaatitaassallutik pisisussaataitaassallutillu, tassa ingerlatseqati-

giiffik suliassamik ingerlatsinissaminut kisermaassisinnaatitaanerminik unioqqutitsissagaluarpat, akilersukkaminik unitsitigaluarpat, nammineq piumassutsiminik pinngitsaalisaalluniluunniit pigisaminik tuniniaatitaagaluarpat, imaluunniit akiliisinnaajunnaartutut nalunaarutigineqarpat, minnerpaa-milli akilissavaat umiarsuarsinermut taarsigassarsisitsisarfirmi akiitsut sinnerisut amerlatigisunik. 1. januar 2008-mi akiitsut sinneri 28.186.000 kr.-iupput.

Akisussaaffinnik malinninngitsoornikkut piumasaqaatitaqanngitsumik pisisussaataaneq atuutilis-sagaluarpat pisisinnaatitaanermtuaq atapput umiarsuarsinermut taarsigassarsianik Namminersor-nerullutik Oqartussat akisussaaffinnik ingerlaannartumik tiguisinnaatitaanerat tiguisussaataane-rallu.

Kontumut pingaarnermut 20.05.20-mut Kommuninut ataatsimoortumik tapiissutit

Nr. 1.

Meeqqat atuarfianni klassini annerni atuarnermut tapiiffigineqartarnerat pillugu Inatsisartut peqqussutaat nr. 5, 28. oktober 1982-imeersoq naapertorlugu meeqqat atuarfianni atuarnut anga-joqqaaminni najugaqartunut ukiumi atuarfiusumi 2007/2008 tapiissutit makku pilersuisullu iserti-taasa akileraaruserneqartussat (2006) killingi aalajangiunneqarput. Tapiissutit annerpaamik ukiumut ataatsimut qaammatini 10 tunniunneqartassapput.

**Isertitat killissaat
2006**

**Tapiissutit ukioq
atuarfiusoq 2007/08**

Isertitat akileraarutil- lit	Ukiumut tapiissutit	Qaammammut tapiissutit
- 190.233	11.029	1.102,90
190.234 - 212.457	9.394	939,40
212.458 - 236.091	7.861	786,10
236.092 - 257.975	6.394	639,40
257.976 - 281.484	4.954	495,40
281.485 - 305.366	3.580	358,00
305.367 -	0	0

Ukiumut atuarfiusumut 2008/2009-mut tapiissutit pilersuisullu ukiumut 2007-mut isertitaasa akil-eraaruserneqartussat killingi imaapput:

**Isertitat killissaat
2007**

**Tapiissutit ukioq
atuarfiusoq 2008/09**

Isertitat akileraarutil- lit	Ukiumut tapiissutit	Qaammammut tapiissutit
---------------------------------	---------------------	------------------------

Ilanngussaq 2, oqaasertaliussat

0 - 195.674	11.344	1.134,40
195.675 - 218.533	9.663	966,30
218.534 - 242.843	8.086	808,60
242.844 - 265.353	6.577	657,70
265.354 - 289.534	5.096	509,60
289.535 - 314.099	3.682	368,20
314.100 - 0	0	0

Nr. 2.

Aningaasanut Nunanullu allanut Naalackersuisoq piginnaatinneqarpoq 2008-mi ukiumilu missingersuusiorfiusumi 2009-mi kommuninut neriorsuuteqarsinnaanermut 34 mio. kr.-inik atugassiinisamat, taakku kommunit ataatsimoortumik tapiissutit pillugit ukiumoortumik isumaqatigiissutit naapertorlugit misissueqqaarnernut, pilersaarusiornernut kiisalu illoqarfinni aalajangersimasuni eqqakkat aqqaataasa pingaarnerit iluarsarneqarnerannut atorneqarsinnaapput.

Siunertamut kontumut 20.10-imut Siunertat immikkut ittut

Nr. 1.

Naalackersuisut piginnaatinneqarput Namminersornerullutik Oqartussat akiliisinnaassusiannik taarsigassarsiaannillu allangortitsinissaminnut, aammalu Namminersornerullutik Oqartussat akiitsuinut akiliisinnaassusiannullu atatillugu aningaasatigut isumaqatigiissuteqarnissaminnut, tamatumani ilanngullugit erniatigut allamiullu aningaasaatigut aaqqissuussinerit. Tamatuma saniatigut Naalackersuisut piginnaatinneqarput suliatigut aaqqissuussinermik isumaqatigiissuteqarnissamat. Taamatut piginnaatitsinermi siunertarineqarpoq Namminersornerullutik Oqartussat pappialaataannik nalilinnik ingerlatsinissaq, taamaalilluni Namminersornerullutik Oqartussat akiliisinnaassutsiminnik akiitsuminnillu pitsaanerpaamik ernialersuiniassammata.

Naalackersuisut piginnaatinneqarput Inatsisartut aningaasaqarnermut ataatsimiititaliaat ataavartumik ilisimatitsissuteqarfigisarlugu, Namminersornerullutik Oqartussani akiliisinnaassuseqarnerup nikerarnera il.il. pakkersimaarniarlugit taarsigassarsiniarnissamat.

Taarsigassarsinermut atatillugu Naalackersuisut pigisat aningaasanik nalillit qularnaveeqquusiussinnaavaat, Namminersornerullutik Oqartussat taarsigassarsineranni isumaqatigiissuteqarnermi atugasartinneqartut naapertorlugit.

Naalackersuisut taarsigassarsinnaaneq pillugu maleruagassat erseqqinnerusut aalajangersassavaat.

Nr. 2.

Naalackersuisut POST Greenland A/S-imut qularnaveeqquusiinissamik nalunaaruteqarnerup atortinnarnissaanut piginnaatinneqarput, Kalaallit Nunaanni aningaasanik pilersuinerup isumagineqarne-

ranut atatillugu Grønlandsbanken A/S-imi 7 mio. kr.-it angullugit sinniilluni tiguisinnaatitaalersitsisumik.

Kontumut pingaarnermut 20.10.11 Ilanngaaseereerluni ernianut aningaasartuutit

Naalackersuisut Nunatta Karsiani ima tiguisinnaatitaanermut piginnaatinneqarput:

Mittarfeqarfiit	75 mio. kr.
Nukissiorfiit	70 mio. kr.
KNR	17 mio. kr.

Tiguisinnaatitaanermik atuineq ukiumut 6 %-imik ernialersorneqassaaq. Uninngasuutit ukiumut 1 %-imik ernialersorneqassapput. Erniat ullut ingerlareersut amerlassusivii ukiup ulluinut 360-inut avinneri tunngavigalugit naatsorsorneqartassapput. Tigusat uninngasuutilluunniit erniaat ullormit ullormut naatsorsorneqartassapput qaammatillu pingasukkuutaarlugit siumut nalunaarneqartassalutik.

Kontumut pingaarnermut 20.12.12-mut Aningaaseriveqartitsineq

Naalackersuisut piginnaatinneqarput aningaasanut inatsimmi aningaasaliissutit iluanni ukiumi aningaasaliissuteqarfiusumi taassumalu avataani aningaaseriveqartitsinermi aningaasanillu pilersuinermi ukiumi ataatsimi arlalinniluunniit kiffartuunneqarnissamut isumaqatigiissuteqarnissamut.

Aningaasanut Nunanullu allanut Naalackersuisoq - Suliassaqarfik 24

Siunertamut kontumut 24.10-mut Toqqaannartumik akileraarutit

Nr. 1.

Nunamut tamarmut akileraarutit procentia, Inatsisartut inatsisaanni nr. 12-imi, 2 november 2006-imeersumi § 61, imm. 2 naapertorlugu, aalajangerneqarpoq 2008-mi 11-ussasoq.

Nr. 2.

Nunamut tamarmut immikkut ittumik akileraarutit procentia, Inatsisartut inatsisaanni nr. 12-imi, 2 november 2006-imeersumi § 64, imm. 2 naapertorlugu, aalajangerneqarpoq 2008-mi 26-ussasoq.

Nr. 3.

Naalackersuisut piginnaatinneqarput soraarnerussutisiat akileraaruserneqartarneranni marloriaamik akileraaruserneqartannginnissamut danskit naalackersuisuisa nunatsinnilu naalackersuisut isumaqatigiissutaat 21. august 1990-imeersoq, allanngortinneqartorlu tapiliussatut isumaqatigiissutikut 31. august 1997-imeersukkut, naapertorlugu taartisiaqartitsinermit aningaasat akilernerinilu aningaasat danskit naalackersuisuinut isumaqatigiissutiginnissaannut. Naalackersuisut piginnaatinneqarput kommunini taartisiassatut aningaasat qanorlu ilinerani akilerneqartarnissaasa, Kalaallit Nu-naanni Kommunit Kattuffiannik isumaqatigiinniareernikkut, aalajangersarnissaanut.

Nr. 4.

Tjenestemandinut, KNI-p allanngortinneranut atatillugu ingerlatseqatigiiffimmut atukkiunneqartunut, danskit isertitanut akileraartitsisarnerinut atasimasunut aammalu Kalaallit Nunaanni isertitanut akileraartarnermut nuunnerminni akileraarutit peereerlugit akissarsiakinnerulersimanerminnik uppersarsaasinnaasunut Kalaallit Nunaanni isertitanut akileraarutininut tamakkiisumik appaanissamut Naalakkersuisut piginnaatinneqarput. Taamatut Kalaallit Nunaanni isertitanut akileraarutininik appaaneq ingerlatseqatigiiffiup pineqartup aningaasalersussavaa.

Kontumut pingaarnermut 24.11.20-mut Akiliutit, akiliilluni aallaaniarneq aalisarnerlu

Naalakkersuisut piginnaatinneqarput aalisarsinnaanermut allagartanik akiliillunilu aallaaniarsinnaanermut akuersissutinik tunniussinermut atatillugu akiliuteqartitsinissaminut.

Akuersissummut ataatsimut akiliut imatut aalajangersarneqarpoq:

Umimmak ataaseq	2.000 kr.
Tuttu ataaseq	1.000 kr.
Piniagassanut minnernut akuersissut – ullormut	200 kr.
Piniagassanut minnernut akuersissut – sapaatip akunneranut	1.000 kr.
Ulloq ataaseq aalisarneq	75 kr.
Sapaatip akunnerani ataatsimi aalisarneq	200 kr.
Qaammammi ataatsimi aalisarneq	500 kr.

Ilaqutariinnermut, Ilinniartitaanermut, Kultureqarnermut Ilageeqarnermullu Naalakkersuisoq - Suliassaqarfik 30

Kontumut pingaarnermut 30.01.04-mut, Namminersornerullutik Oqartussat illuutaannik aserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit sania-tigut ukiup siulianit aningaasaliissutinut immikkoortitanut naapertuuttunik aningaasartuuteqarnis-samut Naalakkersuisut piginnaatinneqarput.

Kontumut pingaarnermut 30.10.32-mut Meeqqanut tapiissutit

Meeqqanut tapiissutit pillugit Inatsisartut peqqussutaanni nr. 11-imi, 31. oktober 1996-imeersumi § 3 naapertorlugu meeqqanut tapiissutit amerlassusii ukiumi meeqqanut tapiiffissani tamani Anin-gaasanut inatsisikkut aalajangersarneqartartussaapput isertitat akileraaruteqaataasussat amerlassusii aallaavigalugit, tassa imm. 2-6 naapertorlugu ukiumi isertitaqarfiusumi isertitat ilisimaneqartut kin-gulliit, aamma isertitanut killisarititaasut Aningaasanut inatsisikkut aalajangersarneqarsimasut naa-pertorlugit.

Meeqqanut tapiissutit aalajangerneqarput isertitat killii ukuusut malillugit:

Isertitat akileraaruteqaatissat 0 - 130.000 kr., ukiumut meeqqat tapisiaat 6.110 kr.

Isertitat akileraaruteqaatissat 130.001 - 180.000 kr., ukiumut meeqqat tapisiaat 4.490 kr.

Isertitat akileraaruteqaatissat 180.001 - 280.000 kr., ukiumut meeqqat tapisiaat 2.870 kr.

Meeqqanut tapiissutit atorunnaartarput isertitat akileraaruteqaatissat 280.000 kr.-it sipporaangatigit.

Kontumut pingaarnermut 30.10.34-mut, Meeqqanut akilersuutit meeravissartaarnerlu kiisalu meeqqanut inuusuttunullu illersuisoqartitsisarneq.

Meeqqanut akilersuutit il.il. kiisalu meeravissartaarnermi tapiisutit tunniunneqartarneri pillugit Inatsisartut peqqussutaata allangortinneqarneranik Inatsisartut peqqussutaanni nr. 3-mi, 12. juni 1995-imeersumi takuneqarsinnaavoq akilersuutit nalinginnaasut Aningaasanut Inatsimmi aalajangersarneqassasut.

Ukiumut aningaasaqarfiusumut akilersuutit nalinginnaasut ima aalajangersarneqarput:

Meeqqamut ataatsimut ukiup affaanut 4.548 kr.

Ingerlaavartumik akilersuutit nalinginnaasut

anaanaasumut akilersuutit erninissaq qaammatinik marlunnik

sioqqullugu qaammammillu ataatsimik kingoqqullugu qaammammut. 605 kr.

Erninerlut atallugu aningaasartuutitut tapiissutit.

Ataasiartumik tunniunneqartartut. 573 kr.

Meeqqap kuisinneranut atallugu tapiissutit. Ataasiartumik tunniunneqartartut 763 kr.

Meeqqap apersortinneranut imaluunniit

tamatuma assigisaanut atallugu tapiissutit. Ataasiartumik tunniunneqartartut 3.033 kr.

Kontumut pingaarnermut 30.10.37-mut Nuna tamakkerlugu meeqqanut inuusuttunullu angerlarsimaffiit

Ilaqutariinnermut Inatsisinillu atortitsinnermut Naalackersuisoq piginnaatinneqarpoq kontumi pingaarnermi 30.10.37-mi Nuna tamakkerlugu meeqqanut inuusuttunullu angerlarsimaffiit, atuinerusutit atuinikinnerussutilluunniit ukiup naatsorsuuseriffiusup kingorna ukiumut aningaasanut inatsiseqarfiusumut tulluuttumut nuussinissamut.

Siunertamut kontumut 30.13-imut Innarluutillit

Naalackersuisut kontup pingaarnerp 30.13.03-p aamma 30.13.41-p akornanni aningaasaliissutinik nuussinissamut piginnaatinneqarput.

Konto pingaarnermut 30.13.03-mut, Kalaallit Nunaanni Danmarkimilu innarluutilinnik isumagininneq kiisalu kommuninut misiligummik nuussineq

Naalackersuisut piginnaatinneqarput aningaasaliissutit utertinneqarsimanngitsut taamaaqataannik immikkoortitsinissamut, taamaalilluni utertitsineq ukiumi aningaasaqarfiusumi tullermi pisinnaa-

niassammat.

Peqqissutsimut Avatangiisinullu Naalakkersuisoq – Suliassa qarfiit 32 - 33

Suliassa qarfimmu 32-mut, Peqqissutsimut Pisorta qarfik

Naalakkersuisuni ilaasorta q suleqatigisanik ukiuni arlalinni isumaqatigiissuteqarsinnaanissaminut piginnaatinneqarpoq maaku eqqarsaatigalugit napparsimasunik passussineq, ilisimatusarneq, pinaveersaartitsineq, atortorissaarutit, siunnersorneqarneq, assartuineq, nioqqutissanik pisineq aamma attartorneq.

Kontomut pinga arnermut 32.01.03 Namminersornerullutik Oqartussat illuutaannik aserfallatsaaliineq

Naalakkersuisut piginnaatinneqarput aningaasanut inatsisip atuuffiata naalernerani aningaasaliissutininik ator neqarsimangitsunik illikartitsinissaminut ukiuni tulliuttuni aningaasanut inatsit aqutigalugu atugassanngorlugit kiisalu ukiumi aningaasaliiffiusumi aningaasaliissutit saniatigut atuisinnaanissaminut ukiut siuliinni illikartinneqarsimasut annertoqataanik.

Siunertamut kontomut 32.10 immikkut ilisimasalinnit passussineq ilinniartitsinerlu, 32.11 Nunap immikkoortuini peqqinnissa qarfiit, nakorsamit sullinneqar neq, 32.12 Nunap immikkortuini peqqinnissa qarfiit, kigutilerisumit sullinneqar neq, 32.01.02 PAARISA, pinaveersaartitsineq peqqinnissakkullu siuarsaaneq aamma 32.01.05 Innuttaasut Peqqissuunissaannut Suliniutit

Naalakkersuisut piginnaatinneqarput kontot pinga arnerit ataasiakkaat akornanni aningaasaliissutininik nuussisinnaanissaminut.

Ilaqutariinnermut, Ilinniartita arnermut, Kultureqarnermut Ilageeqarnermullu Naalakkersuisoq - Suliassa qarfiit 40 - 45

Kontomut pinga arnermut 40.01.06-imut, Namminersornerullutik oqartussat illuutaannik aserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput.

Siunertamut kontomut 40.12-imut Qaffasinnerusumik ilinniartita arnerit

Naalakkersuisut piginnaatinneqarput aningaasaliissutininik kontut pinga arnerit akornanni allanut nuussisinnaanermut.

Kontumut pingaarnermut 40.14.15 Kultureqarnermut tunngassuteqartunut isumaqatigiissutitigut pisussaaffigalugit tapiissutit

Nr. 1.

Naalakkersuisut piginnaatinneqarput Nordisk Ministerrådip aammalu Namminersornerullutik Oqartussat isumaqatigiissutaat 11. december 1985-imeersoq kiisalu isumaqatigiissummut tapiliussaq 8. februar 2002-imeersoq naapertorlugu NAPA-mut aningaasartuutigineqartunik akiliisarnissaminnut.

Nr. 2.

Naalakkersuisut piginnaatinneqarput ukiuni pingasuni atuuttumik, aningaasartuutinik Nunat Avannarliit Killiit suleqatigiinnissaminnik isumaqatigiissutaat naapertorlugu aningaasartuutigineqartut akilerneqartarnissaannut.

Kontumut pingaarnermut 40.14.28-mut Danske Spil A/S-ip sinneqartoorutaanit Kalaallit Nunaata pissarsiaanit tapiissutit

Naalakkersuisut piginnaatinneqarput ukiup aningaasanut inatsiseqarfiusup naanerani kontumit pingaarnermi 40.14.51-imi Danske Spil A/S-ip sinneqartoorutaanit Kalaallit Nunaata pissarsiassai, isertitaat aammalu kontumi pingaarnermi matumani aningaasartuutaasimasut assigiinngissutaannik ukiumi aningaasanut inatsiseqarfimmi tullermi akiliutigeriikkanut matussutissanik imalunniit atugassanngortitanut matussutissanik nuussinissaminnut.

Kontumut pingaarnermut 40.14.51-mut Danske Spil A/S-ip sinneqartoorutaanit Kalaallit Nunaata pissarsiassai

Naalakkersuisut piginnaatinneqarput ukiup aningaasanut inatsiseqarfiusup naanerani kontumi pingaarnermi uani isertitat aammalu kontumi pingaarnermi 40.14.28-mi Danske Spil A/S-ip sinneqartoorutaanit Kalaallit Nunaata pissarsiassaanit tapiissutit, aningaasartuutaasimasut assigiinngissutaannik ukiumi aningaasanut inatsiseqarfinni tullerni akiliutigeriikkanut matussutissanik imalunniit atugassanngortitanut matussutissanik nuussinissaminnut.

Suliassaqarfimmut 45-mut Ilageeqarneq

Naalakkersuisut piginnaatinneqarput kontut pingaarnarit ataasiakkaat akornanni aningaasaliissutini nuussisinnaanissaminnut.

Aalisarnermut, Piniarnermullu Naalakkersuisoq - Suliassaqarfiit 50 – 51

Kontumut pingaarnermut 50.07.16 Tunisinermi akinut tapiissutit, puisit amii

Naalakkersuisut piginnaatinneqarput suliffeqarfimmik ataatsimik arlalinnillunniit assersuutigalugu Great Greenland A/S-imi puisit amiinik tunisinerup isumagineqarnissaa tassungalugu tapiissutaasartut allaffissornikkut aqunneqarnissaat pillugit sullissinissaq pillugu ukiumut ataatsimut arlalinnillunniit isumaqatigiissuteqarnissaminnut. Kiffartuunneqarnissamik isumaqatigiissuteqartoqarsinnaavoq ukiumik ataatsimik sivisussusilerlugu ukiullu marluk angullugit sivitsorneqarsinnaasunngorlugu.

Suliassaqarfimmumut 51-imut Inuussutissarsiutinut tapersiisarneq (ESU)

Nr. 1.

Naalakkersuisut taarsigassarsianik qularnaveeqqusikkanik akiitsunillu akiliisinnaanissaminut piginnaatinneqarput, tamatumani malissavaat qularnaveeqqusiinermi piumasagaataasut imaluunniit Aalisarnermut, piniarnermut nunalerinermullu tapersiisarneq pillugu Inatsisartut inatsisaat nr.10, 12. november 2001-imeersoq, kingullermik allanngortinneqartoq “Aalisarnermut, piniarnermut nunalerinermullu tapersiisarneq pillugu inatsisartut peqqussutaata allanngortinneranik inatsisartut peqqussutaat nr. 11, 20. november 2006-imeersoq”, imaluunniit inuussutissarsiutinut tapersiisarnermut malittarisassaasimasut naapertorlugit.

Naalakkersuisut taarsigassarsianik qularnaveeqqusikkanik akilerneqarsimasunik allanngortitsisinnaapput, tassa inuussutissarsiutinut tapersiisarnermi taarsigassarsiannngortillugit taak-kunanilu piumasagaataasut atuuttut naapertorlugit, imaalilluguli inuussutissarsiutinut tapersiisarneq pillugu peqqussummi niuernikkut erniarititaasut annerpaamik Danmarks Nationalbankip erniarititaanit 5 procentpointimik annerpaamik qaffasinnerusinnaasutut aalajangersarlugit.

Nr. 2.

Naalakkersuisut piginnaatinneqarput Aningaasanut inatsimmi aningaasaliissutit aalajangersarneqartut saniatigut kontut pingaarnerit 51.07.40-p Taarsigassarsiat ernialersugaanngitsut akilersuutitaqanngitsullu aamma 51.07.42-p Taarsigassarsiat erniallit (ilangaateqanngitsut), kiisalu 51.07.45-p, Nunalerinermik inuussutissarsiuteqarnermut taarsigassarsiat ernialersugaanngitsut akilersuutitaqanngitsullu, ataanni inuussutissarsiutinut taarsigassarsisitsinissamut, taarsigassarsiat taakku taarsigassarsiareersut akilerneqarnissaannut atorneqassappata, taamaallutillu kontuni pingaarnerni 51.07.40-mi Taarsigassarsiarititat ernialersugaanngitsut akilersuutitaqanngitsullu aammalu 51.07.43-mi Taarsigassarsianut ernialinnut akilersuutit, kiisalu 51.07.45-mi, Nunalerinermik inuussutissarsiuteqarnermut taarsigassarsiat ernialersugaanngitsut akilersuutitaqanngitsullu, amerlaqataanik isertitaqarnerussutaallutik.

Nr. 3.

Erngup nukinganik innaallagissiorfinnik mikinerusunik nammineq pigisatut pilersitsinissamut, savaatilimmit ataatsimit arlalinnilluunniit ataatsimoorullugit pilersinneqartussanut, taarsigassarsianut 90 %-imik matussusiisunut aningaaserivinnut akiligassarsisitsisuusunut qularnaveeqqusiinissamut Naalakkersuisut piginnaatinneqarput. Taarsigassarsisitsinermi killiliussat iluanni katillugit 10 mio. kr.-inut qularnaveeqqusiisoqarsinnaavoq.

- Taarsigassarsianut qularnaveeqqusiissutit piffissami taarsigassarsiat tunniunneqarnerisa nalaanni Kalaallit Nunaanni savaateqarnermik inuussutissarsiorsinnaatitaasunut inunnut suliffeqarfinnullu tunniunneqarsinnaapput.

- Qularnaveeqqusiinissamut piumasaqaataavoq, taarsigassarsinissaq nunalerinermut ilisimasatigut nalileereernikkut aningaasaqarnermullu nalileereernikkut taamaaliornissaq pissusissamisoornersaq nalilerneqartassaaq.
- Qularnaveeqqusiinermi Nunatta karsiata akisussaaffii qaqugumulluunniit akiitsut sinnerisut annertutigissaaq, taarsigassarsiareqqaakkat qularnaveeqquserneqartut annertussusaattut, qularnaveeqqusiinermimi taarsigassarsisumut ernialiussat akiliutillu tamatumunnga ilaatinneqanngimmata.

Inuussutissarsiornermut, Suliffeqarnermut Inuussutissarsiutinullu Ilinniartitaanermut Naalakkersuisoq - Suliassaqaarfik 62

Kontumut pingaarnermut 62.01.03-mut, Namminersornerullutik Oqartussat illuutaannik asserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalakkersuisut piginnaatinneqarput.

Kontumut pingaarnermut 62.02-mut Inuussutissarsiutinut ilinniarfiit

Nr. 1.

Naalakkersuisut piginnaatinneqarput kontut pingaarnarit ataasiakkaat akornanni aningaasaliissutinik nikitsitsinissamut. Konto pingaarneq 62.02.03 Pikkorissartitsineq, piginnaatitsissummi matumani pineqanngilaq.

Nr. 2.

Naalakkersuisut Inatsisartut Aningaasaqarnermut Ataatsimiititaliaannut ilisimatitsinikkut ilinniartitaanermut inissaqartitsinermullu siunertanut illuutinik attartorneq pillugu attartortitsisunik pisortaneersunik namminersortunilluunniit ukiunut arlalinnut atuuttussanik isumaqatigiissuteqarsinnaanermut piginnaatinneqarput.

Kontumut pingaarnermut 62.02.03 Pikkorissartitsineq

Naalakkersuisut Inatsisartut Aningaasaqarnermut Ataatsimiititaliaat akuersisillugu kontumi pingaarnermi matumani atuinerussutinik atuinikinnerussutinilluunniit ukiumut aningaasanut inatsiseqarfiusup tullianut nuussinissamik piginnaatinneqarput, taamaattorli annerpaamik 5.000.000 kr.-inik.

Kontumut pingaarnermut 62.03.03-mut Taarsigassarsiarititat aammalu aningaaseriviit taarsigassarsiarititaasa akilerneqarneri

Ilinniagaqarnersiutit pillugit Inatsisartut peqqussutaanni nr. 5-imi, 14. november 2004-meersumi § 4, imm. 2 naapertorlugu ilinniarnermut atatillugu taarsigassarsiat amerlanerpaaffissaat imatut aalajangersarneqarput:

- Ukiut tapiissuteqarfiusut tamaasa ilinniarnermut atatillugu taarsigassarsiat taarsigassarsiniartumut ataatsimut 12.000 kr.-iusut tunniunneqarsinnaapput. Ukioq tapiissuteqarfiusoq 1. augustimiit 31. julimut ingerlasarpoq. Taarsigassarsiarititat 6.000 kr.-nngorlugit marloriarlugit tunniunneqassapput, ukiakkut upernaakkullu semesterinut agguataarlugit.
- Ilinniagaqartoq ataaseq ataasiaannartumik amerlanerpaamillu 10.000 kr.-inik taarsigassarsinnaavoq. Ataasiaannartumik taarsigassarsiat allat immikkut akuerineqarnissamik qinnuteqaateqarnikkut taamaallaat tunniunneqarsinnaapput.
- Taarsigassarsianit naammassinngitsoorneqartuni nukingisaarutit annerpaamik amerlassusisaat pingasuussasut aalajangerneqarpoq.

Kontumut pingaarnermut 62.03.05-imut Ilinniarnermut atatillugu taarsigassarsianut akilersuutit

Ilinniagaqarnersiutit pillugit Inatsisartut peqqussutaanni nr. 5-imi, 14. november 2004-meersumi § 29 naapertorlugu akileeqqusissummut akiliutit akileeqqusissummut ataatsimut 200 kr.-inut aalajangersarneqarpoq.

Naalackersuisut pisinnaatitaapput akiligassanik isumakkeerinerit pinngitsoortinnissaannut 3,1 mio. kruunit angullugit immikkoortitsinissamut.

Kontumut pingaarnermut 62.03.06-imut Ilinniagaqarnersiutit meeqqanullu tapit

Ilinniagaqarnersiutit pillugit Inatsisartut peqqussutaanni 5, 14. november 2004-meersumi § 4 imm. 2 naapertorlugu qaammaatikkuutaartumik ilinniarnermut tapiissutit imatut aalajangersarneqarput:

- 2.100 kr.-it ilinniartunut 18-it inorlugit ukiulinnut imaluunniit ilinniagaqalernissamut piareersarluni ilinniartinniittunut Kalaallit Nunaanni ilinniartut inaanni najugaqartunut. Ilinniagaqartut 18-it inorlugit ukiullit Kalaallit Nunaanni ilinniartut ineqarfiini najugallit akeqanngitsumik nerisaqartinneqarput ineqartinneqarlutillu. Pisuni ilinniartut ineqarfianni nerinissamut periarfissaqanngit-suni ilinniartut ineqarfiini ilinniartut najugallit qaammammut 1.500 kr.-inik imaluunniit 900 kr.-inik nerisaqarnermut tapeqartinneqarput.
- 4.200 kr.-it inuussutissarsiutinut tunngaviusumik ilinniartitaanerni ilinniartunut sulisitsisumit akissarsiaqartinneqanngitsunut, taamaattorli imaalillugu ilinniagaqartut ilinniarnerminnut atatillugu akeqanngitsumik nerisaqartinneqartut ineqartinneqartullu taakkununga aningaasanik ilanngaatsinneqartarlutik.
- 4.500 kr.-it Kalaallit Nunaanni ingerlaqqiffiusumik ilinniartitaanerni ilinniagaqartunut, kiisalu illiniartunut 18-it sinnerlugit ukiulinnut piareersaataasumik illiniartunut taamaattorli imaalillugu ilinniagaqartut ilinniarnerminnut atatillugu akeqanngitsumik nerisaqartinneqartut ineqartinneqartullu taakkununga aningaasanik ilanngaatsinneqartarlutik.
- 4.600 kr.-it Danmarkimi ilinniagaqalernissamut piareersaataasumik ilinniartitaanerni ingerlaqqiffiusumillu ilinniartitaanerni ilinniagaqartunut, taamaattorli imaalillugu ilinniagaqartut ilin-

niarnerminnut atatillugu akeqanngitsumik nerisaqartinneqartut ineqartinneqartullu taakkununn-
ga aningaasanik ilanngaatsinneqartarlutik.

- 5.125 kr.-it Nunatta Danmarkillu avataani ilinniagaqartunut.

2008-mi ukioq naallugu ilinniagaqarnersiutit pillugit Inatsisartut peqqussutaanni nr. 5-imi, 14. no-
vember 2004-meersumi § 5 naapertorlugu sulisitsisut lærlinginut akissarsiaqartitsinerannut anin-
gaasartuutitut tapiissutitut ilinniagaqarnersiutit tunniunneqartut imatut aalajangersarneqarput.

Ilinniarnermi ukiup siulliani lærlinginut kr. 4.370.

Imm. 2 naapertorlugu ilinniartitaanerit assigiinngitsut iluini ukiut tulliini tapiissutit imatut aalajan-
gersarneqarput:

Iffiortoq	kr. 492
Mediegrafikeri	
Pisiniarfinni neqaarniaq	
Industribogbinder	
Pequtininut nutserisoq	kr. 701
Grafikeri	
Grafikeri naqiterisartoq	
Saqisoq	
Cafeteria- aamma kantineassistenti	
Cykel aamma motorcykelmekanikeri	
Receptionisti	
Hotel aamma turismeassistenti	kr. 815
Kontormaskinemekanikeri	
Igasoq	
Elektromekanikeri	
IT-ikiorti	
Assiliisoq	
Umiatsialiortoq	
Kigutulerisumut ikiorti	
Beklædningsoperatøri	
Elektrikeri	kr. 907
Maskinsnedkeri	
Beklædningshåndværkeri	
Datamekanikeri	

Ilanngussaq 2, oqaasertaliussat

Automekanikeri	kr. 951
Lastvognsmekanikeri	
Kølemontøri	
Entreprenørmaskinemekanikeri	
Nunalerutininik iluarsaasartuq	
Skibsmontøri	
Maskiinalerisoq	
Saffioq	
Automatikmekanikeri	kr. 1.087
Elektronikmekanikeri	
Radiomekanikeri	
Nujalerisoq	
Sanasoq	
Illunik qalipaasoq	
Sti Qalipaasoq sanaartornermi Branchearbejderi	
Vvs-montøri	
Vvs-ruujorilerisoq	
Terminalarbejderi	kr. 1.230
Qammaasoq	
Igaffimmi ikiorti	
Lagerilerisoq transportarbejderilu	
Timmisartuni mekanikeri	
HG/TNI Kalaallit Nunaat	kr. 1.607
TNI pisiniarfimmiunngorniaq ulluinnarni nioqqutissanik niuerneq	
TNI allaffissorneq (allaffik)	
TNI/HG immikkuullarissumik sammivilimmik pisiniartitsisunngorniaq	
TNI/HG immikkuullarissumik sammiveqarani pisiniartitsisunngorniaq	
TNI/HG niuertussanngorniaq	
Film-, Tv- aamma videomedarbejderi	
Økonoma	kr. 1.715
Isarualerisoq	kr. 1.863

Kontumut pingaarnermut 62.03.10-mut Immikkut tapiissutit, angalanermut aningaasartuutit il.il., Ilinniagaqarnersiuteqartitsivik

Naalakkersuisut ilinniagaqartunut, Namminersornerullutik Oqartussat aqputigalugit Kalaallit Nunaata avataani Danmarkimilu ilinniagaqartussatut tiguneqartunut qaammatikkuutaartumik ilinniarnermut tapiissutit qaffassinnaavaat, qaffaanissaq makkuninnga tunngavilersorneqarpat:

- Nunani allani oqartussaasunit piumasaqaatinik.
- Ilinniarfimmit pineqartumit piumasaqaatinik.
- Illoqarfimmi ilinniarfittut najukkami inuuniarnermi aningaasartuutit immikkut qaffasissuseqarpat.
- Ilinniarnermut tapiissutit nuunneqartarneranni immikkut aningaasartuuteqarpat.

Naalakkersuisut tamatuma saniatigut, ilinniarnermut tapiissutit ilinniarnernut immikkut aqqissuuneqartunut atasumik atugassarititigut allatigut tunniunneqartarnissaannik aalajangersaasinnaapput, tassunga ilanngullugit Kalaallit Nunaata avataani Danmarkimilu ilinniarnertit.

Kontumut pingaarnermut 62.03.11-mut Immikkut akiliutit, angalanermut aningaasartuutit il.il., SIIP-ip aamma KIIP-ip suliffeqarfiutai

Naalakkersuisut ilinniagaqartunut, Namminersornerullutik Oqartussat aqputigalugit Kalaallit Nunaata avataani Danmarkimilu ilinniagaqartussatut tiguneqartunut qaammatikkuutaartumik ilinniarnermut tapiissutit qaffassinnaavaat, qaffaanissaq makkuninnga tunngavilersorneqarpat:

- Nunani allani oqartussaasunit piumasaqaatinik.
- Ilinniarfimmit pineqartumit piumasaqaatinik.
- Illoqarfimmi ilinniarfittut najukkami inuuniarnermi aningaasartuutit immikkut qaffasissuseqarpat.
- Ilinniarnermut tapiissutit nuunneqartarneranni immikkut aningaasartuuteqarpat.

Naalakkersuisut tamatuma saniatigut, ilinniarnermut tapiissutit ilinniarnernut immikkut aqqissuuneqartunut atasumik atugassarititigut allatigut tunniunneqartarnissaannik aalajangersaasinnaapput, tassunga ilanngullugit Kalaallit Nunaata avataani Danmarkimilu ilinniarnertit.

Kontumut pingaarnermut 62.04.05-imut Piareersarfiit

Naalakkersuisut piginnaatinneqarput kommunini Piareersarfiit atuutsinneqalernissaannut ingerlanneqarnissaannullu 2008-2009-mi katillugit 40 mio. kr.-inik killiliussat iluanni Kalaallit Nunaanni kommuninut ukiumi ataatsimi amerlanerusuniluunniit kifartuunneqarnissamik isumaqatigiissusiorsinnaanissaminnik.

Inuussutissarsiornermut, Suliffeqarnermut Inuussutissarsiutinullu Ilinniartitaanermut Naalakkersuisoq - Suliassaqarfik 64

Kontumut pingaarnermut 64.10.06-imut Taarsigassarsianut qularnaveeqqusiissutinik akiliineq

Naalackersuisut piginnaatinneqarput Takornariaqarnermut aningaasalersuinikkut tapersiisarneq pillugu Inatsisartut inatsisaat qaqugukkulluunniit atuuttoq naapertorlugu, aammalu Nunami inuussutissarsiutinut aningaasalersuinikkut tapersiisarneq pillugu Inatsisartut inatsisaat qaqugukkulluunniit atuuttoq, kiisalu Nunami inuussutissarsiutinut aningaasalersuinikkut tapersiisarneq pillugu Inatsisartut inatsisisigimasaat, kiisalu Takornariaqarnermut aningaasalersuinikkut tapersiisarneq pillugu Inatsisartut inatsisisigimasaat, naapertorlugu, qularnaaveeqqusiisarnerni piumasaaqatigineqarsimasut naapertorlugit taarsigassarsianut qularnaaveeqqusiunneqarsimasunik akilerneqanngitsunik akilinnissaminut.

Kontumut pingaarnermut 64.10.12-mut Nioqqutissanik pilersuineq

Nr. 1.

Tjenestemandinut KNI Pilersuisoq A/S-imi imaluunniit suliffeqarfissuarmut attuumassuteqartumut piginneqatigiiffimmi atorfeqalersimasunut, tjenestemanditut soraarnerussutisiaqarnissap atorunnaarneranut taartissamik piginneqatigiiffiit soraarnerussutisiaqarnissamut sillimmasiisarfiimmuut namminersortumut sillimmasiissapput. Tjenestemanditut soraarnerussutisiassat assinginik tamakkiisumik tunniussisoqarsinnaassanngippat, taava soraarnerussutisiaqarnissamut sillimmasiisarfiup namminersortup tunniussinnaanngisaa piginneqatigiiffiit akilissavaat. Atorfik eqqarsaatigalugu pisussaaffiup tamatuma naammassineqarnissaanut Namminersornerullutik Oqartussat akisussaassapput, aammattaaq soraarnerussutisiaqarnissamut pisussaaffik piviusunngortinneqassagaluarpat taava Namminersornerullutik Oqartussat piginneqatigiiffinnut tamakkiisumik taarsiissussaataapput.

Nr. 2.

Naalackersuisut KNI Pilersuisoq A/S-imik "Kiffartuussineq pillugu killissarititaasunik isumaqatigiissuteqarput". Taamatuttaaq naalackersuisut nioqqutissanik pilersuineq pillugu kiffartuunneqarnissamik isumaqatigiissuteqarnissamut pingaarnertut killiliussat pillugit ingerlatseqatigiiffimmik allamik isumaqatigiissuteqarnissamut piginnaatinneqarput.

Nr. 3.

Naalackersuisut Namminersornerullutik Oqartussat aamma ingerlatseqatigiiffik ataaseq arlallilluunniit akornanni ikummatissanik imerpalasunik pilersuineq pillugu ukiumi ataatsimi arlalinniluunniit atuuttussamik isumaqatigiissusiornissamut piginnaatinneqarput. Tamatuma saniatigut Naalackersuisut KNI Pilersuisoq A/S-imik ingerlatseqatigiiffimilluunniit allamik nioqqutissanik pilersuineq ikummatissanillu imerpalasunik pilersuineq pillugit ukiuni arlalinni atuuttussamik isumaqatigiissuteqarnissamut imaluunniit isumaqatigiissummik iluarsiiernermit ilassutitut isumaqatigiissuteqarsinnaanermut piginnaatinneqarput.

Nioqqutissanik pilersuineq pillugu KNI Pilersuisoq A/S-imik piffissamut 2006-2007-imut kiffartuunneqarnissamik isumaqatigiissut 2007-ip naalernerani atorunnaassaaq. Ingerlatseqatigiiffik ataaseq arlallilluunniit piffissamut 2008-2010-mut kiffartuunneqarnissamik isumaqatigiissuteqarfineqassapput.

Konto pingaarnermut 64.10.13-imut, Assassorluni kusanartuliat, sanaalukkat amminillu tunisassiat ineriartortinneqarnerat

2008-miit 2010-mut aningaasaliissutini Naalakkersuisut piginnaatinneqassapput sanalukkanut tungassuteqartuni ineriartortitsinissamut ingerlatanut suliffeqarfimmik ataatsimik arlalinnilluunniit ukioq ataaseq ukiulluunniit arlallit kiffartuunneqarnissamik isumaqatigiissusiornissamut. Assersuutigalugu taakkua tassaasinnaapput ilinniartitaanissamut iliuitsit, nioqqutissianik nutaanik ineriartortitsineq ilusilersuisarnerlu kiisalu niuerfissanut nutaanut nittarsaassinissamut iliuitsit.

Kontumut pingaarnermut 64.10.14-imut, Ingerlatsinissamik isumaqatigiissutit, tunisassiorfiit

Nr. 1.

Naalakkersuisut Namminersornerullutik Oqartussat aamma ingerlatseqatigiiffiup ataatsip arlallilluunniit akornanni tunisassiorfiit pillugit kiffartuunneqarnissamik isumaqatigiissuteqarnissamut piginnaatinneqarput. Kiffartuunneqarnissamik isumaqatigiissut Aningaasaaqarnermut Ataatsimiititaliamit siumoortumik akuerineqassaaq.

Nr. 2.

Tunisassiorfiit pillugit Namminersornerullutik Oqartussat aamma ingerlatseqatigiiffiup ataatsip arlallilluunniit akornanni kiffartuunneqarnissamik isumaqatigiissuteqarnermut atatillugu Naalakkersuisut ingerlatseqatigiiffimmik ingerlatseqatigiiffinnilluunniit ukiumi ataatsimi arlalinnilluunniit atuuttussamik kiffartuunneqarnissamik isumaqatigiissuteqarnissamut piginnaatinneqarput. Kiffartuunneqarnissamik isumaqatigiissut Aningaasaaqarnermut Ataatsimiititaliamit siumoortumik akuerineqassaaq.

Kontumut pingaarnermut 64.10.16-imut Aningaasalersuinikkut tapersiisarneq

Nr. 1.

Naalakkersuisut piginnaatinneqarput 2008-mi nunami inuussutissarsiutitigut aallarnisaasunut kinguaariinnullu tullernut tunniussisoqartillugu ajornartorsiortoqarneranut atatillugu taarsigassarsisoqarnerani aamma takornariartitsinermik inuussutissarsiuteqartunut katillugit annerpaamik 30.000.000 kr.-inut qularnaveeqqusiinissaminnut.

Nr. 2.

Takornariartitsinikkut aallarnisaasunut tapersiissutit tassaapput aningaasaliissutit ilanngaasariikkat, aammalu tapiissutit qularnaveeqqutitulluunniit atorneqartassallutik. Takornariartitsinermik inuussutissarsiuteqartunut aningaasalersuinikkut tapersiisarneq pillugu Inatsisartut inatsisigisimasaat naapertorlugu taarsigassarsiarititaasimasut erniaannik akiliutitaannillu aningaasaliissutit ilanngaasariikkat iluanni atuinissaminnut Naalakkersuisut piginnaatitaapput.

Nr. 3.

Inuussutissarsiutinik siuarsaanissamut aningaasaliissutissanut Nukiit-nut qinnuteqaatit nalilersorneqarneranni pilersaarutillu akuerineqarnissaat eqqarsaatigalugit Naalakkersuisut piumasqaateqarsinnaapput, pilersaarutit siunissaq ungasinnerusoq eqqarsaatigalugu periarfissai eqqarsaatigalugit. 2009 ilanngullugu ukiuni arlalikkaartunik tapiissuteqartoqarsinnaavoq.

Nr. 4.

Naalakkersuisut IT-mut tunngasut iluini Teknologii-mut tapiissutissatut immikkoortitanit qinnuteqaatinik naliliinermi suliassat siunissami periarfissartaat eqqarsaatigalugit suliassanik akuersinermi atatillugu piumasqaateqarsinnaapput. 2009 ilanngullugu ukiunut arlalinnut tapiissuteqartoqarsinnaavoq.

Kontumut pingaarnermut 64.10.17-imut Nunami inuussutissarsiutinik ineriartortitsinermut tapersiisarneq

Nr. 1.

Naalakkersuisut piginnaatinneqarput allaffissornikkut aqutsinermi ingerlatseqatigiiffimmik ataatsimik arlalinnilluunniit siunnersuisarneq, paasissutissiisarnermik suliaqarneq, nunap immikkoortuini najukkanilu ataasiakkaani inuussutissarsiutinik ineriartortitsinermut ikiuuttarneq pillugit kiffartuussinissamut isumaqatigiissuteqarnissaminnut assersuutigalugu Grønlands Turist- og Erhvervsråd - Greenland Tourism A/S-imut imaluunniit Greenland Venture A/S-imut taamatullu 2008-mi suliassat suliarineqarnissaannut pilersaarutit aalajangersimasut pillugit isumaqatigiissuteqarnissaminnut. Kiffartuussinissamik isumaqatigiissutit ukiumut ataatsimut arlalinnulluunniit atuussinnaapput, suliassanut pilersaarutit ukiumut ataatsimut.

Nr. 2.

Naalakkersuisut piginnaatinneqarput siunnersuisartut, allaffissornikkut ingerlatsiviit ingerlatseqatigiiffiinut, ass. Grønlands Turist- og Erhvervsråd, ataatsimut arlalinnulluunniit ukiumi ataatsimi arlalinnilluunniit kiffartuussinissamut isumaqatigiissuteqartarnissaminnut, assersuutigalugu allamiut aningaasalersuinermut aqqissuussineri suliassaqarfinnut arlalippassuarnut sammisitat assersuutigalugu Northern Periphery Programme (NPP), EU-p aqqissuussineri imaluunniit nunat avannarliit aqqissuussineri Kalaallit Nunaata pissarsiffigisinnaasai aqutigalugit neqeroorutigineqartut pillugit paasissutissiisarnermik attaveqarnissamilluunniit suliassat suliarineqarnissaannut.

Nr. 3.

Naalakkersuisut allattoqarnikkut misissuinikkullu suliarineqarnissaat kiisalu aluminiumimik erngullu nukinganik ingerlatseqatigiiffinnut aluminiumiliorfiliornissamik suliassami peqataalersinnaasunut ingerlaavartumik attaveqartarnermik suliassat arlallit isumagineqarnissaat pillugu allaffissornermik ineriartortitsinermillu ingerlatseqatigiiffimmik ataatsimik arlalinnilluunniit, ass. Greenland Decelopment A/S-imik ukiumi ataatsimi arlalinnilluunniit atuuttussamik kiffartuunneqarnissamik isumaqatigiissuteqarnissamut piginnaatinneqarput.

Kontumut pingaarnermut 64.10.20-mut Inuussutissarsiutinik siuarsaaniarluni suliassat atuisunit ingerlanneqartut

Naalakkersuisut piginnaatinneqarput sulissutigineqartut suliassatulluunniit pilersaarutit konto pingaarnermut ilaasut naammassineqarnissaannut allaffissornikkut aqutsinermi ingerlatseqatigiiffimik ataatsimik arlalinnilluunniit, qitiusumik ilinniarfinnik imaluunniit suliffeqarfinnik namminersortunik kiffartuussinissamik imaluunniit angusat tunngavigalugit isumaqatigiissuteqarnissaminnut. Isumaqatigiissutit ukiumut ataatsimut arlalinnulluunniit atuuttuusinnaapput.

Naalakkersuisut piginnaatinneqarput ukiumi aningaasaliiviusumi 2008-mi aningaasaliissutinut killiliussat iluanni isumaqatigiissuteqarnissaminnut.

Kontumut pingaarnermut 64.10.22-mut, Kalaallit Nunaannit imermik sikumillu avammut tuniniaaneq

Naalakkersuisut piginnaatinneqarput 2008-mi katillugit 4,5 mio. kr.-it killiliussat iluini missingersuutissatut siunnersuummi allaaserineqartut ukiumi aningaasaliiffiusumi taassumalu avataani suliassanik suliarinninissaq pillugu suleqatinik isumaqatigiissuteqarnissamut.

Kontumut pingaarnermut 64.10.23-mut, Ataavartumik nukissiuuteqalernissamut ilisimatusarnissamut ineriartortitsinissamullu pilersaarutit

Naalakkersuisut piginnaatinneqarput ukiumi aningaasaliiffiusumi 2008-mi ukiumilu missingersuorsiorfiusumi 2009-mi aningaasanut killissarititaasut iluanni kiffartuussinissamik imaluunniit anguniagassat pillugit isumaqatigiissuteqarnissaminnut ukiumi ataatsimi ukiuniluunniit arlalinni atuuttussamik. Tassanissaaq eqqarsaatigineqarput ilisimatusarfinnik namminersortunilluunniit isumaqatigiissuteqarsinnaanerit. Kiffartuussinissamik aammalu anguniagassat pillugit isumaqatigiissutit ukiuni arlalinni atuuttussat ukiukkaartumik aaqqinneqartarsinnaapput, tamanna pilersaarutit ineriartornerat eqqarsaatigalugu pisariaqartinneqassappat.

Kontumut pingaarnermut 64.10.24-mut Usinik angallassineq

Nr. 1.

Naalakkersuisut piginnaatinneqarput Namminersornerullutik Oqartussat aamma ingerlatseqatigiiffup ataatsip arlallilluunniit akornanni usinik assarsuineq pillugu kiffartuunneqarnissamik isumaqatigiissuteqarnissamut.

Nr. 2.

Namminersornerullutik Oqartussat aamma ingerlatseqatigiiffiup ataatsip arlallilluunniit akornanni kiffartuunneqarnissamik isumaqatigiissuteqarnermut atatillugu Naalakkersuisut piginnaatinneqarput ingerlatseqatigiiffimmut ingerlatseqatigiiffinnulluunniit ukiumi ataatsimi imaluunniit ukiuni arlalinni kiffartuunneqarnissamik isumaqatigiissusiornissamut.

Kontumut pingaarnermut 64.12.02-mut Nukissiorfiit

Nr. 1.

Kiassaateqarfiit Inissiaatileqatigiiffimmit INI A/S-imit tiguneqarsinnaanerinit atasumik Nukissiorfiit piffissami ikaarsaariarfimmi suliffeqarfiup tunisinermit tunniussinermullu atugassaritaanit allaasunik periuseqarsinnaapput kiassaateqarfiillu Nukissiorfinnit tiguneqarneri sioqqullugit periutsit atuuttut malillugit kiassarnermut akit (appasinnerusumik) akilersittarsinnaallugit.

Nr. 2.

Ingerlatsinermit aningaasaliissutinut tunngatillugu naatsorsuusiornikkut nikingasoernerit Nukissiorfinnut immikkoortinneqassapput. Immikkoortitsinertigut katersat, Naalackersuisunut saqqummiunneqareerpata, ilaatigut aningaasalersuinikkut siunertanut atorneqarsinnaassapput. Oqaasertaliussat atorneqarnerat pillugit Aningaasaqarnermut Ataatsimiititaliaq ilisimatinneqartassaaq.

Nr. 3.

Nukissiorfiit ullumikkut nukissiornermik sullissiviit ilaanni suliamik naapertuutinngitsumik aqqissuussiffiusuni illuuteqarput. Naapertuutsillugu Nukissiorfinnit kissaatigineqarpoq illuutit taakku tunineqarnissaat, pisariaqartinneqarpallu illuutaareersut allangortinneqarnissaat, tamanna suliap naapertuuttumik ingerlanneqarnissaa pillugu. Nukissiorfiit illuutaasa tunineqarsinnaanerisigut Nukissiorfiit tunisinermit iluanaarutininik aningaasaliinermit siunertanut atuinissamik kissaateqarneraninik akuersinissamut Naalackersuisut piginnaatinneqarput.

Nr. 4.

Naalackersuisut piginnaatitaapput ukiuni 2006-2009-mi aningaasaliissutinut killiliussat iluini innaallagissap, erngup kiaallu assigiimmik akeqartitaanerata allangortinnissaanut atatillugu ikaarsaariutitut aqqissuussinernut taarsiissutinulluunniit atuinissamut.

Ikaarsaariarnermi aqqissuussinernit taarsiissutillu innaallagissap, erngup ungasianillu kiassagaanerup assigiimmik akeqartitaanerannut tunngassapput periuseq tunngaviusoq manna aallaavigalugu:

- Aalisakkanik suliffissuit innaallagissamut imermullu sumiiffimmi aningaasartuutit assigiit pingajorarterutaat akilissavaat illoqarfinni nunaqarfinnilu ataasiakkaani tamani. Aalisakkanik suliffissuit nutaamik aningaasaliinerni aningaasaliinernut akileeqataassapput.
- Illoqarfinni nunaqarfinnilu atuisut allat sumiiffimmi innaallagissamut imermullu aningaasartuutit assigiit akilissavaat illoqarfinni nunaqarfinnilu tamani.
- Kiassarnermut akigititat nuna tamakkerlugu assigiittuassapput uuliap akianik tunngaveqarlutik.

Aalisakkanik suliffissuarnut tunngatillugu aaqiinermit taarsiissutissat ikaarsaariarnermilu aaqiinerit makkua ilaassapput:

- Illoqarfinni nunaqarfinnilu aalisakkanik suliffissuit annerpaamik innaallagialu imerlu atuisut allatulli akilertassavaat kiisalu atuisunut allanut minnerpaamik akiusup pingajorarterutaa.

Atuisunut allanut aaqqiinermi taarsiissutit ikaarsaariarnermillu aaqqiinerit makkua illaassapput:

- Illoqarfinni nunaqarfinnilu nuna tamakkerlugu aningaasartuutit assigiit appasinneruffiini 1. januar 2005-imiit akikillisoqassaaq. Akerli nuna tamakkerlugu 2003-mi assigiimmik akeqartitsinerup minnerpaamik 50%-erissavaa aningaasartuutit qaffaataannut iluarsisaq.
- Illoqarfinni nunaqarfinnilu aningaasartuutit assigiit nuna tamakkerlugu assigiimmik akeqartitsinerup qaffasinneruffigisaani akit 1. januar 2005-imiit 2009-mut ukiumut 10%-imik qaffattassapput, taamaalilluni 2009-mi akit 2003-mi nuna tamakkerlugu assigiimmik akeqartitsinermit annerpaamik 150%-iussallutik aningaasartuutit qaffannerannut iluarsine-qarlutik.

Akigitinneqartut, akissarsiat akillu il.il. ukiumut ataasiarlugit Naalackersuisut pingaarnertut aalajangersartarpaat. Taamaattorli Naalackersuisut taakkuninnga ingerlaavartumik allannguisarsinnaapput, najukkani aningaasartuutit allanngorujussuarsimappata.

Naalackersuisut piginnaatinneqarput innaallagissap, erngup kiaallu assigiimmik akeqartitaanerata allanngortinnissaanut atatillugu ikaarsaariutit aaqquissuussinernut taarsiissutinullunniit atugassatut 2006-2009-mut aningaasaliissutinut killiliussat iluanni piffissani uuliap akiata qaffariarujussuarnerani innaallagissap kWh-mut ataatsimut 0,25 kr.-inik akip qaffasinnerpaaffiata appartinneqarnissaanut tapiissuteqarallarsinnaanermut.

Naalackersuisulli aalisakkanik suliffissuit oqaloqatigereerlugit pisinnaatitaapput pilersuisinnaassut-sip pisariaqartumik annertusisariaqarnerani aningaasaleeqataanissap annertussusissaa aalajangertas-sallugu, nutaamik aalisakkanut suliffisualiortoqarsimappat pioreersullunniit annertusineqarpat.

Kontumut pingaarnermut 64.12.06-imut Erngup nukinga misissueqqaarnerit

Naalackersuisut piginnaatinneqarput 2007-2009-mut aningaasaliissutinutt killiilussat iluini erngup nukinganik innaallagissiorfinnut misissueqqissaarinernik aallartitsinissamut, tamatumanilu Nukis-siorfiit taamatut misissueqqissaarinissamut piginnaatillugit.

Erngup nukinganik misissueqqaarnikkut Nunatsinni illoqarfimmut qanittumi kiisalu suliffissuaqar-nermut siunertanut erngup nukinganik innaallagissiorfinnik annertusaanermut aalajangiinissamut tunngavissiisoqassaaq ilaatigullu teknikikkut suliassatigullu ilisimasaqarnerulersitsisoqassalluni.

2010-p aallartinnerani nassuiaasiortoqassaaq aningaasaliissutit qanoq atorneqarsimanerinit, kiisalu erngup nukinganik misissueqqaarnerit inernerinik allaaserinninnermut.

Konto pingarneq 64.12.07-imut Nukissiornermut kisitsisitigut paasissutissat

Paasissutissanik katersisarneq, paasissutissaateqarneq aamma nukissiornermut kisitsisitigut paasissutissanik suliaqartarneq pillugit Naalakkersuisut Naatsorsueqqissaartarfimmut ukiumut ataatsimut arlalinnulluunniit sullissinissamik isumaqatigiissuteqarnissamut pisinnaatitaapput.

Ineqarnermut, Attaveqarnermut Avatangiisinullu Naalakkersuisoq – Suliassarfiit 70 - 89

Suliassarfinnut 70-74-imut Attaveqatigiinnermut Ineqarnermullu Pisortaqarfik

Nr. 1.

Tjenestemandinut Tele Greenland A/S-imi atorfeqalersimasunut ingerlatseqatigiiffiit inummut tunngasumik soraarnerussutisiassanut sillimmasiissuteqassapput tjenestemandit soraarnerussutisiassaasa atorunnaarsinneqarnerinut taartissatut atugassanik. Tjenestemandit soraarnerussutisiassaasa taamaaqataannik matussutissaqartinnerat anguneqarsinnaanngippat, ingerlatseqatigiiffiit soraarnerussutisiassanik piumasarineqartut inummut tunngasumik soraarnerussutisinnermut aaqquissuussinnermit anguneqarsinnaanngitsut akilertassavaat. Namminersornerullutik Oqartussat atorfilimmut pissaaffiup taassuma equutsinnissaa akisussaaffigaat, aamma Namminersornerullutik Oqartussat ingerlatseqatigiiffinnut tamakkiisumik akiliisitsiniartussaapput soraarnerussutisiassat ilassutaasa tunniunneqarnissaanni.

Nr. 2.

Ingerlatsinnermut aningaasaliissutinut naleqqiullugu naatsorsuutitigut nikingassutaasut suliffeqarfinni namminersortitani uninngatinneqassapput. Uninngasut katersukkat, Naalakkersuisunut Inatsisartullu aningaasanut ataatsimiititaliaanut saqqummiussereernikkut, ilaatigut aningaasaliissutitut atorneqarsinnaapput.

Kontumut pingaarnermut 70.01.08-mut, Ineqarnermut tunngasunik naammagittaalliuteqartarfik

Inissianik attartortitsisarneq pillugu inatsisartut peqqussutaanni nr. 2-mi, 12. maj 2005-imeersumi § 83, imm. 5 naapertorlugu pisortat inissiaataannik attartortortittakkanik attartortunut 100 kr.-inik akileeqqusisinnaanermut Naalakkersuisut piginnaatinneqarput.

Konto pingaarnermut 70.01.09-imut, Radioqarnermik agutsineq, ingerlatsineq, allaffissornerq

Nr. 1.

Naalakkersuisut piginnaatinneqarput Inatsisartut Aningaasaqarnermut Ataatsimiititaliaannit akuersisuteqartoqarneratigut piffissami 2008-2011-mi ukiunut arlalinnut ingerlatsineq pillugu isumaqatigiissuteqarnissamut, tassunga ilanngullugu attartornermut tunngasunik.

Kontumut pingaarnermut 70.01.10-mut Akuutissat qaajasut, qatserineq upalungaarsimanerlu

Ilanngussaq 2, oqaasertaliussat

Naalackersuisut piginnaatinneqarput qaartiterinissamut akuersissuteqarnermut, qaartiterinermut aqutsinissamut akuersissuteqarnermut, akuutissanik qaajasunik pisinissamut akuersissuteqarnermut, qaartiterutissaasivinnik akuersissuteqarnermut akileeqqusinissamut.

Akiliutigitinneqartussat ima aalajangersarneqarput:

Qaartitsinissamut akuersissuteqarnermut akuersissummilluunniit nutarterinermut	500,00 kr.
Qaartiterisut pisortaattut akuersissuteqarnermut akuersissummilluunniit nutarterinermut	750,00 kr.
Qaartartunik pisinissamut akuersissuteqarnermut akuersissummilluunniit nutarterinermut	2.500,00 kr.
Qaartartuusivimmik akuersissuteqarneq:	
1 tons angullugu imaqarsinnaasunut	5.000,00 kr.
1 tons angullugu 5 tonsilu ataallugu imaqarsinnaasunut	35.000,00 kr.
5 tons sinnerlugu imaqarsinnaasunut	50.000,00 kr.

Utaqqiisaasumik qaartiterutaasivinnut akiliuteqartitsineq naatsorsorneqartassaaq imarisinnaasai ukiullu toqqortaasiviup atornerqarfigisai aallaavigalugit. Ukiut toqqortaasiviup atornerqarfii tamaasa nalinginnaasumik akiliutip 1/10-ii akilerneqartassapput. Ass. toqqortaasivik 1 tonimik imaqarsinnaasoq ukiuni marlunni atorumaneqartoq 5.000,00 kr. X 2 X ,01 = 1.000,00 kr.-eqassaaq.

Kontumut pingaarnermut 70.10.02-mut Namminersornerullutik Oqartussat Nuummi qitiu- sumik allaffeqarfii

Nr. 1.

Naalackersuisut piginnaatinneqarput Aningaasaqarnermut Ataatsimiititaliap akuersissuteqarneratigut ukiunut arlalinnut ingerlatsinissamik isumaqatigiissuteqarnissamut, tassunga ilanngullugit Nuummi allaffeqarfinnut attartornerit.

Nr. 2.

Naalackersuisut piginnaatinneqarput Aningaasaqarnermut Ataatsimiititaliap akuersineratigut Nuummi allaffeqarfiliortiternissamut, tamatumunngalu atatillugu sanaartornermut taarsigassarsinissamut kingornalu inaarutaasumik qularnaveeqqusiilluni taarsigassarsinikkut aningaasalersuinissamut. Tamatumunnga taartaasinnaasumik Aningaasaqarnermut Ataatsimiititaliap akuersineratigut Naalackersuisut piginnaatinneqarput Nunatta Karsianit ukiumut 6 %-inik ernialersorneqartussanik ukiullu 30-t sinnernagit akilersorneqartussanik taarsigassarsinikkut inaartuaasumik aningaasalersuinissamut.

Kontumut pingaarnermut 70.10.03-imut Sillimmasiinerit

Naalakkersuisut piginnaatinneqarput aningaasanut inatsimmi killiliussani nammineq akiliinissamut taarsiullugu sillimmasiisarfimmi allami sillimmasernermi akiliutissanut aningaasartuutissat akiler-nissaannut, ukiumut aningaasanut inatsiseqarfiusumut ukiunullu missingersuusiorfiusunut atuut-tumik. Aammattaaq Naalakkersuisut nammineq akiliinissamut killissap aalajangernissaanut kiisalu sillimmasiiner-mut matussusiineq siunnersuinerlu pillugit ukiunut arlalinnut isumaqatigiissusiornis-samut piginnaatinneqarput.

Kontumut pingaarnermut 70.10.04 Namminersornerullutik Oqartussat illuutaannik asserfal-latsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniati-gut ukiup siulianit aningaasaliissutinut immikkoortitanut naapertuuttunik aningaasartuuteqarnis-samut Naalakkersuisut piginnaatinneqarput.

Kontumut pingaarnermut 72.02.03-mut Boligstøtte, pilersaarusiornermut allaffissornermullu aningaasartuutit

Naalakkersuisut aningaasanut inatsimmi killiliussani ukiumi aningaasanut inatsiseqarfiusumi ukiu-nilu missingersuusiorfiusuni atuuttumik illunik typenik, sulianik illunut typeusunut tunngasunik ineriartortitsineq ineriartortitsiner-mullu ikiorsiineq pillugit ukiunut arlalinnut kiffartuunneqarnis-samik isumaqatigiissuteqarnissamut piginnaatinneqarput.

Kontumut pingaarnermut 72.02.05-mut, Sanaartortitsisutut allaffissor-neq, Namminersorne-rullutik Oqartussat illuutaat

Nr. 1.

Naalakkersuisut aningaasanut inatsimmi killiliussani ukiumi aningaasanut inatsiseqarfiusumi ukiu-nilu missingersuusiorfiusuni atuuttumik iluarsaarnermut najoqqutassamik aqutsiner-mi, pilersaaru-siornermi ineriartortitsiner-milu avataaniit siunnersorneqarneq ikiorneqarnerlu pillugit kiffartuunne-qarnissamik ukiunut arlalinnut isumaqatigiissuteqarnissamut piginnaatinneqarput.

Nr. 2.

Naalakkersuisut inatsimmi killiliussani ukiumi aningaasanut inatsiseqarfiusumi ukiunilu missinger-suusiorfiusuni atuuttumik ineqarnermut tunngasuni sanaartornermi pissutsit pillugit internetikkut paasissutissaateqarfimmik ingerlatsinissaq pillugu ukiunut arlalinnut kiffartuunneqarnissamik isu-maqatigiissuteqarnissamut piginnaatinneqarput.

Kontumut pingaarnermut 72.06.01-imut Boligstøtte, akilersuutit

Naalakkersuisut pisinnaatitaapput 100 mio. kruunit angullugit annaasaqarnissaq pinngitsoorumal-lugu immikkoortissallugit 100 mio. kruunillu angullugit isumakkeerinerit pinngitsoortikkumallugit. Aningaasat taakkua killiffimmi naatsorsuutini nalunaarneqassapput.

Kontomut pingaarnermut 72.06.51 Inissianik tunisaqarnek – ilanngaaseereerluni akiliutit

Illup ataatsip arlalinnik inissiaqartup nalinga Naalakkersuisut – Suliassaqrifiit 10 – 89-imut nas-suaat nr. 5-imi allanneqartut nallinnik tunisaqarsinnaanermut piginnaatitsisut qummut killin-ganik qaangiinera apeqquaatinnagu inissianik attartukkaminik piginneqatigiilluni inissiateqar-nermi imaluunniit inissianik piginnittut piumasaqaatit malillugit piginnilersinnaanerat pillugu Namminersornerullutik Oqartussat inissiaataanni attartortittakkani najugaqartunik isumaqatigiissu-siorsinnaanermut Naalakkersuisut piginnaatinneqarput, Inatsisartut Aningaasaqarnermut Ataatsimii-titaliaanut ilisimatitsillutik.

Kontumut pingaarnermut 72.10.13-imut Najugaqatigiiffinnut immikkut tapiissutit

Naalakkersuisut piginnaatinneqarput pisortat inissiaataanni attartortut inigisamut m²-imut 6 kr.-inik akileeqqusinissamut, Inissianik attartortarnek pillugu Inatsisartut peqqussutaanni nr. 2-mi, 12. maj 2005-imeersoq, § 32, imm. 8 naapertorlugu. Aningaassat attartortitsisukkut taassumaluunniit aqutsi-suatigut akileqquneqartassapput.

Suliassaqriffimut 73-imut, Attaveqatigiinneq aamma Angallanek

Nr. 1.

Naalakkersuisut piginnaatinneqarput tjenestemandit Royal Arctic Line A/S-imut imaluunniit inger-latseqatigiiffimmi tassunga ingerlatseqatigiiffissuakut atasumi nuussimasut pisassaasa akilernis-saannut, tamatumunngalu atatillugu tjenestemandit imaatigut angalasut tjenestemandinut assingu-sumik ingerlatseqatigiiffimmi atorfinitsitaanermi atugassaritinneqartut naapertorlugit piginnaati-taaffiisa naammassineqarnissaat Namminersornerullutik Oqartussat akisussaaffigissallugu.

Nr. 2.

Naalakkersuisut piginnaatinneqarput tjenestemandit Arctic Umiaq Line A/S-imut imaluunniit in-gerlatseqatigiiffimmi tassunga ingerlatseqatigiiffissuakut atasumi nuussimasut pisassaasa akiler-nissaannut, tamatumunngalu atatillugu tjenestemandit imaatigut angalasut tjenestemandinut assin-gusumik ingerlatseqatigiiffimmi atorfinitsitaanermi atugassaritinneqartut naapertorlugit pigin-naatitaaffiisa naammassineqarnissaat Namminersornerullutik Oqartussat akisussaaffigissallugu.

Kontumut pingaarnermut 73.01.05-imut Kalaallit Nunaanni TV-kkut radiukkullu aallakaa-titanik siammarterineq

Naalakkersuisut piginnaatinneqarput Inatsisartut Aningaasaqarnermut Ataatsimiititaliaata akuersi-neratigut piffissamut 2008-2017-imut matussutaasumik ukiup aningaasaliiffiusup saniatigut killi-liussani tamarmiusuni 280 mio. kr.-it angullugit digitalimik aallakaatitsisalernissamut kiisalu TV-kkut radiukkullu signalinik nassiussuilernissamut ingerlatalinnik isumaqatigiissuteqarnissamut.

Kontumut pingaarnermut 73.01.06-imut Nalunaarasuartaateqarnermi aqutsisut

Nr. 1.

Naalakkersuisut piginnaatinneqarput Nalunaarasuartaatitigut atassuteqarnek nalunaarasuartaatiti-gullu kiffartuussinerit pillugit Inatsisartut peqqussutaanni nr. 17-imi, 20. november 2006-imeersumi

§ 28, imm. 2 naapertorlugu ungasissumit attaveqaqatigiinnermik atuinermut 3 mio. kr.-inik akit-suuteqartitsinissamut.

Nr. 2.

Naalackersuisut piginnaatinneqarput piffissami 2008-2011-mi ukiunut arlalinnut ingerlatsinermut isumaqatigiissuteqarnissamut, aamma attartornermut tunngasunik.

Kontumut pingaarnermut 73.01.08 Ilaasunik angallassinermut tapiissutit

Naalackersuisut piginnaatinneqarput Inatsisartut Aningaasaqarnermut Ataatsimiititaliaata akuersisuteqarneratigut nalinginnaasumik timmisartutigut angallassinerep umiarsuartigullu ilaasunik angallassinerep ingerlanneqarnera pillugu angallassisartunik ukiup aningaasaliiviusup avataatigut konto pingaarneq 73.01.08-mi, Ilaasunik angallassinermut tapiissutit, ukiuni 2008-miit 2010-mut tunngatillugu, aningaasaliissutinut tamarmiusunut killiliusat iluanni isumaqatigiissuteqarnissaannut.

Kontumut pingaarnermut 73.02.02-mut Umiarsualivinnik aserfallatsaaliineq

Ukiup aningaasaliiffiusup naanerani aningaasaliissutit atunngitsuukkat ukiumi aningaasaliiffiusumi kingusinnerusukkat atuinissamut immikkoortinnissaannut kiisalu ukiumi aningaasaliissutit saniatigut ukiup siulianit aningaasaliissutinut immikkoortitanut naapertuuttunik aningaasartuuteqarnissamut Naalackersuisut piginnaatinneqarput.

Kontumut pingaarnermut 73.30.02-mut Ujaasinissamut annaassiniarnissamullu upalungaarsimaneq

Uujaasisarnernut annaassiniartarnernullu sillimanissaq pillugu timmisartortitseqatigiiffinnut ukioq ataatsimiit sisamanut sivilissusilimmik atuuttussamik isumaqatigiissuteqarnissaminnut Naalackersuisut piginnaatinneqarput, piffissami 2008-imit 2011-imut tamakkiisumik aningaasalissutit killissaasa iluanni.

Kontumut pingaarnermut 73.93.02-mut Mittarfeqarfiit

Nr. 1.

Naalackersuisut piginnaatinneqarput suliffeqarfiup pingaarnertut ingerlatsineranut tunngasuni ukiutum aningaasanut inatsiseqarfiusumut ukiunullu missingersuusiorfiusunut atuuttumik ukiunut arlalinnut ingerlatsineq pillugu isumaqatigiissuteqarnissamut.

Nr. 2.

Ingerlatsinermut aningaasaliissutinut naleqqiullugu naatsorsuutitigut nikingassutaasut Mittarfeqarfinni toqqorneqassapput. Toqqortat katersorneqarsimasut, Naalackersuisunut saqqummiussereernikkut ilaatigut aningaasaliinissamut siunertanut atorneqarsinnaapput. Aningaasaqarnermut Ataatsimiititaliaq nassuiaatip atorneqarnera pillugu ilisimatinneqassaaq.

Kontumut pingaarnermut 76.01.02-mut Aatsitassarsiornermi suliniutit

Nr. 1.

Naalakkersuisut piginnaatinneqarput ukiup aningaasaliiffiusup iluani avataanilu piffissami 2008-2011-mi tamakkiisumik aningaasaliissutissatut killiliussat iluini missingersuutitut siunnersuummi allaaserineqartutut suliaassat ingerlanneqarnissaat pillugu suleqatigisartakkanik isumaqatigiissuteqarnissamut.

Nr. 2.

Naalakkersuisut piginnaatinneqarput aningaasaliissutit atunngitsuukkat ukiuni kingusinnerusuni atugassanngorlugit inissiinissaminnut kiisalu ukiumut aningaasaliissutigineqartut saniatigut aningaasartuuteqarnissaminnut ukiut siuliinni aningaasaliissutinik immikkoortitat annertoqataanik.

Kontumut pingaarnermut 76.01.03-mut Aatsitassanut Ikummatissanullu Pisortaqarfik, Suliat isertitatigut matussusikkat

Naalakkersuisut piginnaatinneqarput Aatsitassanut Ikummatissanullu Pisortaqarfiup suliat isertitatigut matussuserlugit ingerlataasa ilaattut kontumi pingaarnermi 76.01.03-mi isertitat aningaasartuutillu akornanni nikingassutaasut aammalu ukiumi aningaasanut inatsiseqarfiusumi siuliani aningaasat atorineqanngitsuukkat ukiuni aningaasanut inatsiseqarfiusuni kingusinnerusukkat atugassanngortitsinissamut.

Suliasaqarfimmut 80 - 89-imut Sanaartugassat aamma iluarsaassineq

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi kontuni sanaartugassanut nutarterinissanullu aningaasaliissutinut tunngasuni ingerlatassanik killilimmik iluarsisuteqartarnissamut aningaasaliissuteqartarnikkut iliuuseqartarnissaminnut. Nikisiterinissat aalajangiisusumik tunngaviusumik imaqanngitsut 2 mio. kr.-illu ataallugit aningaasartallit pineqartillugit suliasaqarfiup iluani nikisitsinernik Aningaasaqarnermut Naalakkersuisoq akuersissuteqartarsinnaavoq.

Nr. 2.

Naalakkersuisut piginnaatinneqarput, suliarinnittussarsiuussereernerup kingorna suliamut aningaasartuutit tamakkiisut, aningaasanut inatsimmi suliamut aningaasartuutissat tamakkiisut annikitsumik sinnerneqarsimappata, Aningaasaqarnermut ataatsimiititaliaq saqqummiussiffiqqaarnagu sanaartornissamut pilersaarutit aallartissallugit. Aningaasanut Naalakkersuisoq aallartitsineq akuerisinnavaa aningaasartuutaanerusut annerpaamik 15 %-iuppata, 3 mio. kr.-inillu annikinneruppata. Aammattaaq piumasaqaataavoq ukiuni missingersuusiorfiusuni aningaasartuutaanerusut akilerneqassat, aningaasartuutaanerusullu taakku ukiuni tulliuttuni aningaasanut inatsimmi Naalakkersuisunit ilanngunneqassat.

Nr. 3.

Ilanngussaq 2, oqaasertaliussat

Naalackersuisut piginnaatinneqarput sanaartukkat aningaasaliissutitaminnut naleqqiullutik annikit-sumik allannguuteqarfiussangatinneqartut allannguuteqarneriluunniit paasineqartut pillugit aningaasaliissutitigut allanngortitsissutinik qinnuteqanngitsoornissaminnut. Allannguutit taakku Nunatta Karsiata naatsorsuutaanut ilanngunneqartassapput sanaartukkat taakku naammassineqaraangata aammalu sanaartugassanut iluarsagassanullu aningaasaateqarfimmit peerneqaraangata.

Naalackersuisut piginnaatinneqarput aningaasaliissutit allannguutissaannik qinnuteqanngitsoornissaminnut:

Suliassamut aningaasaliissutit:	Atuinerussutillu ukunani ikinneruppata:	Atuinikinnerussutilluunniit ukunanit ikinneruppata:
1 mio. kr. ataappagit	10% imal. 25.000 kr.	20% imal. 50.000 kr.
1 aamma 5 mio. kr. akornanniippata	5% imal. 100.000 kr.	10% imal. 200.000 kr.
5 mio. kr. sinnerlugit	2% imal. 250.000 kr.*	10%

*) Atuinerussutilli 1 mio. kr.-it sinnersimappatigut aningaasaliissutit allannguutissannik qinnuteqartoqartuaannassaaq.

Nr. 4.

Naalackersuisut piginnaatinneqarput Inatsisartut Aningaasaqarnermut Ataatsimiititaliaata akuersineratigut ukiumi aningaasanut inatsiseqarfiusumi ukiunilu missingersuusiorfiusuni aningaasaliissutinik suliassanut ataasiakkaanut naammassillugit pilersaarusiukkanut kiisalu taakku B-mik missingiutitalimmik suliassamut siunnersuutitalimmut atugassanngortitsinissamut.

Sanaartornerni misilittakkat malillugit missingersuutit B-t suliariumannittussarsiornerullu inernerisa akornanni annertuumik nikingasoqartillugu pingaarnertut suliassaq missingersuutinik A-nik ilalik pigineqarpat aningaasaliissutinik timitaliinissaq Naalackersuisunit toqqarneqarsinnaavoq.

Piginnaatitsissut kontunut pingaarnernut ataaniittunut atuuppoq:

80.00.00 Sanaartornermut atugassat agguanneqanngitsut

80.00.01 Nuussinissanut sillimmatit

84.40.10 Kommunini atuarfiit

87.72.13 Immikkut ittumik iluarsartuussineq

89.71.40 Nukissiorfiit, sanaartornermut taarsigassarsiarititat

Nr. 5.

Naalackersuisut piginnaatinneqarput kommunit ataasiakkaat Namminersornerullutillu Oqartussat akornanni sanaartornissamut isumaqatigiissut tunngavigalugu ukiumi aningaasanut inatsiseqarfiusumi ukiunilu missingersuusiorfiusuni suliassanut aningaasaliissutit aalajangersimasut kommuninut

tunniunniissaannut. Kommuni aningaasaliissutit atorneqarnerat pillugu kvartalikkuaartumik nalunaarusianik nassitsisassaaq.

Nr. 6.

Naalackersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut uppersaalluni atsiorsinnaatitaaneq pillugu aningaaserivimmik ataatsimik arlallinnilluunniit isumaqatigiissuteqarnissamut, taamaalilluni aningaaseriviit Naalackersuisut Nunattalu Karsia sinnerlugit illuutinik Namminersornerullutik Oqartussanit qularnaveeqquserneqartunik allanngortitsinermit imaluunniit tunisinermi, piginnittut nikinneranni piginnittulluunniit nikinneranni suliarinninnerni tamani qularnaveeqqusiussanut uppersaallutik atsiorsinnaassaallutik. Naalackersuisut qularnaveeqqusiussanut immikkut ilitersuutiliussapput.

Uppersaalluni atsiorsinnaatitaaneq makku malillugit qularnaveeqqusiussanut atuuppoq:

1. Piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersoq,
2. Namminersornerullutik Oqartussat kommunillu inissiaataasa attartortittakkat pigisatut inisiannngortissinnaanerit pillugu Inatsisartut peqqussutaat nr. 5, 21. maj 2002-meersoq, kiisalu
3. Illuliortiternernut aningaasalersuineq pillugu Inatsisartut peqqussutaat nr. 4, 30. oktober 1998-imeersoq.
4. Inatsisartut peqqussutaat nutaat imm. 1, 2 imaluunniit 3-mi oqaatigineqartunik taartaasut.

Allannguinermit imaluunniit tunisinerni, piginnittut nikinnerini piginnittulluunniit nikinneranni suliarinninnerni tamani qularnaveeqqusiussanik atsiortoqartillugu Naalackersuisut piginnaatitaapput qularveeqqusiussap qanoq oqaasertaqarnera apeqqutaatinnagu 1.250 kr.-inik akileeqqusinissamut. Aammattaaq Naalackersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut qularnaveeqqusiussat uninngasuutiginiissaat pillugu aningaaserivinnik isumaqatigiissuteqarnissamut.

Nr. 7.

Naalackersuisut piginnaatinneqarput illuliortiternernut aningaasalersuinerup iluani suliasanik ingerlatsinissamut aningaaserivinnik isumaqatigiissuteqarnissamut. Pingaarnertut tassaasinnaapput taarsigassarsianik nutaanik aqutsineq, taarsigassarsianik akileeqqusineq, isumakkeerinerit, taarsigassarsianik allanngortitsinerit, akilersuisitsinerit akiliisitsiniartarnerillu, taarsigassarsianik naam-massininnerit naligiissaarinerillu il.il.

Piginnaatitsissut makku malillugit isumaqatigiissutinut atuuppoq:

1. Piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersoq,
2. Namminersornerullutik Oqartussat kommunillu inissiaataasa attartortittakkat pigisatut inisiannngortissinnaanerit pillugu Inatsisartut peqqussutaat nr. 5, 21. maj 2002-meersoq, kiisalu
3. Illuliortiternernut aningaasalersuineq pillugu Inatsisartut peqqussutaat nr. 4, 30. oktober

1998-imeersaq.

4. Inatsisartut peqqussutaat nutaat imm. 1, 2 imaluunniit 3-mi oqaatigineqartunik taartaasut.

Nr. 8.

Inissiap najugarineqartup annertussusia tapiiffigineqarsinnaasoq tunngavigalugu taarsigassarsisitsisoqassaaq tapiisoqarlunilu. Naatsorsuineq pissaaq inissiap ataatsip iigaasa silarliit qaliallu silataatigut uuttortarneqarneratigut, inissiallu qeqqata killinganiit. Qaliani init aamma kælderilunni ilanngunneqassapput, taakku najugaqarfissatut aaqquissuunneqarsimappata. Illup qaliata isua inissiap killingata affaatut naatsorsuinermit ilaatinneqassaaq. Inissiami majuartarfiit inini quleriinni tamani atornerarfiinut ilanngullugit naatsorsorneqassapput. Ataatsimut isertarfiit, majuartarfiit aamma majuartarfiit sangoriarfii silamut assiaquttip kiassarneqartup iluaniittut allamut naleqqiullugit ilanngunneqassapput taamaattorli annerpaamik 10,5 m²-mik inissiap annerpaamik taarsigassarsiffiusinnaasup 105 m²-ip 10 %-iatut annertutigisooq. Init toqqorsiviit, quit aneerasaartarfiillu ilanngullugit naatsorsorneqassanngillat, taakku imaasiiallaannarlugit oqorsarneqarsinaanngippata inissiamullu najugaqarfiusumut ilanngunneqarsinnaallutik.

Kontumut pingaarnermut 87.72.10-mut, Nuummi sulisunut inissiat

Naalackersuisut piginnaatinneqarput Inatsisartut Aningaasaqarnermut Ataatsimiititaliaata akuersineratigut sulisunut inissialiortiternermik aallartitsinissamut. Sanaartorneq 10-40-50-imik aaqquissuissinermit naapertuuttumik atugassaqartitsilluni aningaasalersorneqassaaq. Tassa sananermut aningaasartuutit 40 %-ii kontukut pingaarnikkut 89.72.11-kkut, Nammineq inissianik tapiissutitalimmik sanaartorneq, aningaasalersorneqassapput sinnerilu qularnaveeqqusiilluni taarsigassarsinikkut aningaasalersorneqassallutik.

Illuutit atulernissaasa tungaannut Naalackersuisut illuliornissamut pisariaqartunik niuernikkut atuisinnaatitaapput. Tamatuma saniatigut piginnaatitsinermit ilaatinneqarpoq sanaartorneq aningaasalersuinissamut akuerineqartumut piginnaatitaaneq, taarsigassarsinissamik neriorsuinermit uppernarsaasiinissaq, sanaartortussanik isumaqatigiissuteqarneq, kiisalu aningaaserivimmit qularnaveeqqusiilluniluunniit aningaasaliisarfimmit inaarutaasumik aningaasalersuineq.

Kontumut pingaarnermut 87.72.21-mut Inissianik kommuninit attartortitassanik tapiissutitalimmik sanaartorneq

Nr. 1.

Naalackersuisut ukiumi aningaasanut inatsiseqarfiusumi matumani Inatsisartut Aningaasaqarnermut ataatsimiititaliaat ilisimatitsissuteqareernermikkut piginnaatitaapput kontumit pingaarnermut matumanit kontumut pingaarnermut 87.72.22-mut Nunaqarfinni isorliunerusunilu inissialiortiternermut pilersaarut nuussinissamut, aammalu kontumut pingaarnermut 89.72.11-mut, Namminersuutigalugu illuliortiternermut tapiissuteqartarneq.

Nr. 2.

Naalakkersuisut piginnaatinneqarput Ukiumi Aningaasanut inatsiseqarfiusumi ukiumilu missingersuusiorfiusumi siullermi aningaasaliissutissatut sukkulluunniit akuerineqartut iluini tapiissuteqarnissamik neriorsuinissamut tapiissuteqarnissamullu.

Kontumut pingaarnermut 87.72.22-mut Nunaqarfinni isorliunerusunilu inissialiortiternermut pilersaarut

Nr. 1.

Naalakkersuisut piginnaatinneqarput ukiumi aningaasanut inatsiseqarfiusumi matumani Inatsisartut aningaasaqarnermut ataatsimiititaliaannut ilisimatitsissuteqarenermikkut kontup pingaarnerep matuma kontullu pingaarnerep 87.72.21-p Inissianik kommuninit attartortitassanik tapiissutitalimmik sanaartorneq, aammalu kontup pingaarnerep 89.72.11-p, Nammineq inissianik tapiissutitalimmik sanaartorneq, akornanni aningaasaliissutinik nussuinissamut.

Nr. 2.

Naalakkersuisut matumani oqaasertaliussinikkut piginnaatinneqarput Ukiumi Aningaasanut inatsiseqarfiusumi ukiumilu missingersuusiorfiusumi siullermi aningaasaliissutissatut sukkulluunniit akuerineqartut iluini atugassanngortitsinissamut.

Kontumut pingaarnermut 87.72.23-mut Inissialiortiternermut tapersiissutit, iluarsaassinissamut tapiissutit

Nr. 1.

Naalakkersuisut piginnaatinneqarput ukiup aningaasanut inatsiseqarfiusup iluani, taamatullu Inatsisartut Aningaasaqarnermut ataatsimiititaliaannut ilisimatitsissuteqarnermikkut, kontop pingaarnerep matumani pineqartup aamma kontop pingaarnerep 89.72.21-p Inissianik kommuninit attartortitassanik tapiissutitalimmik sanaartorneq, akornanni aningaasaliissutinik nikisiterisinnaanissaminnik.

Nr. 2.

Naalakkersuisut piginnaatinneqarput oqaasertaliussaq una atorlugu ukiumi aningaasaliiffiusumi ukiumilu missingersuusiorfiusumi siullermi aningaasaliissutinik akuerineqarsimasunik aningaasartuuteqarsinnaanissaminnut.

Kontumut pingaarnermut 87.72.24-mut Inissianik attartortittakkanik piiartariaqalikkalik kommuninut tunniussineq

Naalakkersuisut piginnaatinneqarput Namminersornerullutik Oqartussat inissiaataannik attartortittakkanik pisoqaanerusunik piiartariaqalikkannilluunniit kommuninut akeqanngitsumik tunniussinissaq pillugu kommuninik ataasiakkaanik isumaqatiginninniarnissamut. Inissiamik nuussinissaq isate-rinissarlu kiisalu inissianik taartaasussanik sananissamut pilersaarutit pillugit paasissutissat isumaqatigiinniarnermut atugassarititaasuni piffissallu pilersaarusiorneqarnerani takuneqarsinnaassapput.

Naalackersuisut piginnaatinneqarput inissianik ataani taaneqartunik Nuup Kommuneanut tunnius-sinermi inissiat piiarneqarnissaannut m²-mut ataatsimut 750 kr.-it pallillugit tapiissuteqarnissamut. Aammattaaq Naalackersuisut piginnaatinneqarput inissanik taartissanik sanaartornermut kommu-ninut tapiissuteqarnissamut, kommunit inissiaataannik attartortittakkanik sanaartornertut ilusiler-lugu inissianik taartissanik sanaartornermut m²-mut ataatsimut 5.400 kr.-inik.

Piginnaatitsissummiipput:

B-438, Blok L, quleriiaat marluusut 1962-imi sanaat.
B-439, Blok A, quleriiaat marluusut 1962-imi sanaat.
B-440, Blok B, quleriiaat marluusut 1962-imi sanaat.
B-441, Blok C & D, quleriiaat marluusut 1962-imi sanaat.
B-491, Blok K, quleriiaat marluusut 1963-imi sanaat.
B-492, Blok H, quleriiaat marluusut 1963-imi sanaat.
B-493, Blok G, quleriiaat marluusut 1963-imi sanaat.
B-494, Blok F, quleriiaat marluusut 1963-imi sanaat.
B-495, Blok E, quleriiaat marluusut 1963-imi sanaat.
Attartortittakkat katillugit 146-t katillugit 8.822 m²-iusut.

B-496, Blok M, quleriiaat pingasuusut 1964-imi sanaat.
B-497, Blok N, quleriiaat pingasuusut 1964-imi sanaat.
B-498, Blok O, quleriiaat pingasuusut 1964-imi sanaat.
Attartortittakkat katillugit 76-it katillugit 4.121 m²-iusut.

Inissiat katillugit 222-nik initallit katillugit 12.943 m²-usut Nuup Kommuneanut tunniunneqassap-put. Annertoqataannik kommunip attartortitassaanik nutaamik sanaartortoqarpat, tamanna amerla-nerpaamik 69,9 mio. kr.-inik tapiissutitaqassaaq.

Konto pingarneq 87.73.10-mut, Umiarsualiviit

Nr. 1.

Naalackersuisut piginnaatinneqarput aningaasaqarnermut ataatsimiititaliap akuersineratigut piffis-samut 2008-2011-mut umiarsualivilornerup aallartinnisaannut.

Umiarsualiviorneq aningaasalersorneqarsinnaassaaq aningaasaqarnermut ataatsimiititaliap akuersi-neratigut kontmit pingarnermit matumanga sanaartornermi suliassat unitsinneqarneranni imaluun-nit ingerlanneqartut naammassineqarneranni konto pingarnermut matumunnga aningaasaliissutinik nuussinikkut.

Nr. 2.

Naalackersuisut piginnaatinneqarput Aningaasaqarnermut ataatsimiititaliap akuersissuteqarnera-tigut kalaallit nunaanni illoqarfinni umiarsualivinni umiarsualiviit nalingi Namminersornerullutik

Oqartussat, sumiiffimmi kommuni umiarsualiviuffiisoq peqatigalugu aamma namminersortut aningaasaliisartut piginneqatigalugit aktiaateqarluni ingerlatseqatigiiffinni aallaqqaatit akiliutit atorsinnaallugit. Aktiaateqarluni ingerlatseqatigiiffiit taakku sumiiffinni umiarsualiviit ingerlannissaannik siunertaqassapput. Ingerlatseqatigiiffiit pisortanit nakkutigineqassapput. Umiarsualiup ator-neqarneranut malittarisassat aamma umiarsualivimmi atortut ator-neqarnerinut atuisut akiliutaat Namminersornerullutik Oqartussanit akuerineqassapput.

Kontumut pingaarnermut 89.71.40-mut Nukissiorfiit, sanaartornermut taarsigassarsiaritit

Nr. 1.

Qorlortorsuarmi erngup nukinga atorlugu innaallagissiorfiliorerup 50 %-ia aningaasalersorneqassaaq Nukissiorfiit unerartitaanik atuinikkut.

Nr. 2.

Naalakkersuisut piginnaatinneqarput sanaartornissamut aningaasartuutit tamarmiusut neqeroorutigineqartut tamarmik tigoreernerini 2004-mut Aningaasanut Inatsimmi suliasamut aningaasaliissutaasut tamarmiusut annerpaamik 8 %-imik qaangersimappatigit Qorlortorsuarmi erngup nukinga atorlugu innaallagissiorfimmik sanaartornissap aallartinnissaanut. Piumasarineqarpoq aningaasartuutaanerusut ukiumi aningaasanut inatsiseqarfiusumi taassumalu avataani akilerneqassasut. Nukissiorfiit piginnaatinneqarput naalakkersuisunut kiisalu Inatsisartut Aningaasaqarnermut Ataatsimiititaliaannut akersititserernikkut illuartitaminnut aningaasartuutitik akiliinissamut.

Kontumut pingaarnermut 89.72.11-mut Nammineq inissianik tapiissutitalimmik sanaartor-neq

Nr. 1.

Piginneqatigiilluni inissiatileqatigiiffimmit namminerluunniit illuliorniartumit qinnuteqaat pilersaarummik ilalik tunngavigalugu neriorsuilluni allagaqartoqarsinnaavoq. Neqeroorutip tunngavilisavaa aningaasaliissutitik Sanaartugassanut Iluarsagassanullu Aningaasaateqarfimmut nuussinissaq.

Nr. 2.

Naalakkersuisut piginnaatinneqarput Inatsisartut Aningaasaqarnermut ataatsimiititaliaannut ilisimatitsissuteqarnermikkut kontumi pingaarnermi matumani suliamut aningaasaliissummik annikililerinissamut, atuinikinneruneq makkuninnga pissuteqarpat.

- Inissiat naammassineqartut pilersaarutigineqartumit ikinneruppata imaluunniit sanaartorfiusoq neriorsuutigineqartumit annikinneruppat.
- Sanaartugassaq unitsinneqarsimappat atorunnaarsinneqarsimappalluunniit.

Naalakkersuisut piginnaatinneqarput kontumi pingaarnermi matumani suliap allap aningaasaliissutaata amerlinissaanut atuinikinnerussutit qulaani taaneqartut malitsigisaannik appaarnermut naapertuuttunik.

Nr. 3.

Naalakkersuisut piginnaatinneqarput ukiumut aningaasanut inatsiseqarfiusumut ukiunullu missingersuusiorfiusunut Kalaallit Nunaanni aningaaseriveqarfimmik makku pillugit isumaqatigiissuteqarnissamut

- taarsigassarsisitsinissamik neriorsuutininik aqutsineq
- taarsigassarsisitsinermi uppenarsaatininik tunniussineq
- taarsigassarsianik tunniussineq
- taarsigassarsisitsinermi uppenarsaatininik paarsineq
- kisitsisitigut paasissutissiorneq.

Nr. 4.

Naalakkersuisut piginnaatinneqarput ataatsimut isigalugu kontumut pingaarnermut Aningaasaqarnermut Ataatsimiititaliamik ilisimatitsinikkut aningaasanik Ukiumi Aningaasanut Inatsiseqarfiusumi ukiumilu missingersuusiorfiusumi siullermi aningaasaliissutinut sukulluunniit atuuttunut naapertuuttunik taarsigassarsisitsinissamik neriorsuinissamut taarsigassarsisitsinissamullu.

Nr. 5.

Taamaalilluni 10/40/50 atorlugu sanaartornerit naapertorlugit piginneqatigiilluni inissiatit allangortinneqarnerisa kingunerisaannik iluanaarutit atorneqarnissaannut Naalakkersuisut piginnaasusilerneqarput.

Nr. 6.

Naalakkersuisut piginnaatinneqarput qinnuteqareernermikkut illuliortiternernut nuttarneruleersitsiniarluni suliniutinut ilaallutik sananeqartunut kommunitut taarsigassarsisitsinissamik neriorsuuteqarnissamut.

Nr. 7.

Naalakkersuisut piginnaatinneqarput ukiumi aningaasaliiviusumi taassumalu avataani Inatsisartut Aningaasaqarnermut Ataatsimiititaliaat ilisimatitsissuteqarfialugu piginneqataassuteqarluni inissiatillit peqatigiiffiit piginneqataassuteqarluni inissialiortiternermut taarsigassarsisitsinissaq pillugu neriorsuuteqarlutik nalunaaruteqartarnissaannut. Naalakkersuisut piginnaatinneqarput ukiumi aningaasaliiviusumi taassumalu avataani Inatsisartut Aningaasaqarnermut Ataatsimiititaliaat ilisimatitsissuteqarfialugu piginneqataassuteqarluni inissiatillit peqatigiiffiit inissianik namminersorlutik sanaartortitsisunit sananeqartunik taarsigassarsisitsinissaq pillugu neriorsuuteqarlutik nalunaaruteqartarnissaannut.

Nr. 8.

Naalakkersuisut piginnaatinneqarput ukiumi aningaasaliiviusumi taassumalu avataani Inatsisartut Aningaasaqarnermut Ataatsimiititaliaat ilisimatitsissuteqarfialugu inissianik namminersorlutik

sanaartortitsisunit sananeqartunik pisinissamut taarsigassarsisitsinissaq pillugu piginnittuunissamik neriorsuuteqarlutik nalunaaruteqartarnissaannut. Piginnittuunissamik nalunaaruteqarneq piginneqataassuteqarluni inissiaatillit peqatigiiffiannut pilersinneqartumut tunniunneqassaaq inissianillu neriorsuummik tunniussiviusunik pisinermut atorneqassalluni, inissiat naammassineqareerpata. Naalakkersuisut piginnaatinneqarput ukiumi aningaasaliiviusumi taassumalu avataani Inatsisartut Aningaasaqarnermut Ataatsimiititaliaat ilisimatitsissuteqarfigalugu piginneqataassuteqarluni inissiaatillit peqatigiiffiinut inissianik attartortittakkanik piginneqataassuteqarluni inissiaatilinnut atugassarititaasut malillugit tiguisunut taarsigassarsisitsinissaq pillugu neriorsuuteqarlutik nalunaaruteqartarnissaannut.

Nr. 9.

Naalakkersuisut piginnaatinneqarput piginneqataassuteqarluni inissianik Nunap Karsianit pigisasatut inissiannortunik taarsigassarsisitsiviusimasunik allanngortitsinerit akuersissutigisarnissaannut. Piginnaatitsissuteqarneq atuuppoq kommuni taarsigassarsisitsisimut aappaasoq allanngortitsinerimut atugassarititaasut pillugit isumaqatigiissuteqarfigineqarsinnaatillugu.

Allanngortitsinerimi periaaseq una atorneqartassaaq:

Piginnittuulluni inissianut allanngortitsinissamik piginneqataassuteqarluni inissiaatillit peqatigiiffiannit qinnuteqaat peqatigiiffiup ilaasortaanit tamanit isumaqataaffigineqassaaq.

Piginneqataassuteqarluni inissiaatillit peqatigiiffiata pisortanit taarsiagassarsianik akilersuinera periaatsit uku malillugit pissaaq:

a) Pisortanit taarsigassarsiat aningaasanut naatsorsuutigeriikkanut akilerneqassapput, imaalilluguli pisortat sanaartornermi aningaasartuutit iluarsiivigisat 40 %-iinik taarsigassarsisitsisimaannassallutik annertunerpaamilli m²-imut 5.400 koruuninik annertunerpaamillu inissiap annertussusianut 105 m²-inut. Pisortanit taarsigassarsiat affaat Nunap Karsianit affaallu kommunalbestyrelsimit taarsigassarsiaasut ukiuni 15-ini ernialersugaassanngillat akilersuutitaqassanatillu, tamatuma kingornatigut ukiuni qulini assigiiartumik akilersukkatut akilersorneqassallutik 3 %-imik ernialerlugit taarsigassarsiat siullermik akilerneqarnissaannut piffissami ilanngaattissat ilanngullugit. Taarsigassarsiat piffissami ernialersuiffiunngitsumi akilersuiffiunngitsumilu aqqiivigineqassanngillat (missiliorneqassanngillat).

b) Pisortanit taarsigassarsiat nalingisut nalilerlugit aningaasannorlugit akilerneqartassapput. Tassa imaappoq missiliuisoqassanngilaq.

Siunnersuinerimut, eqqartuussissuserisumut, piginnittuunermik uppersaasiinernut, qularnaveequsiinernut, naqissusiinernu allanullu atatillugu niueqatigiinnernut aningaasartuutaajunnartut piginnittunngortussanit ataasiakkaanit naammassiniarneqartassapput.

Piginneqataassutini piginnittut ataasiakkaat pisortat suliamut aningaasartuutaasa matussutissaannut 100.000 koruunit tikillugit isumannaallisaatit akileeqquneqarsinnaapput, tassa allanngortitsineq naammassineqanngitsuussagaluarpat.

Kontumut pingaarnermut 89.72.12-imut, Taarsiissutitut sanaartorneq

Tuapannguani piginneqatigiilluni inissiatileqatigiinnik arfineq marlunnik suliassaqqarpoq Blok Q, R aamma S-ip iluarsaannissaraluannit allatut toqqaanertut. Taamaattumik suliassamut aningaasaliussaagaluit aamma ineqarnemut tunngasuni iluarsaarnermut aningaasanit nuussinikkut ilanngunneqarput.

Nuummi Tuapannguani nutaanik inissialiortiternissamik tamakkiisumik suliarinnittussarsiuussinissamut Naalakkersuisut piginnaatinneqarput. Suliassaq 2006-imi suliarinnittussarsiuunneqarpoq suliassarlu toqqaarneqartoq Permagreen Grønland A/S-imit neqeroorummik tunngaveqarpoq illorsuarnillu arfineq marlunnik sananermut tunngalluni, tamarmik piginneqatigiilluni inissiatilinnit imaluunniit pigisatut inissiatileqatigiiffinnit pigineqartussanik, inissianut 28-nut agguarsimasunik arfineq marlunnik quleriilinnik allermilu marlunnik inissialinnik ataatsimoorussartalinnillu.

Piginneqatigiilluni inissiatilinnut arfineq marlunnut taakkununga neriorsuutaasut katillugit 179.500.000 kr.-iupput, Naalakkersuisullu piginneqatigiilluni inissiatilinnut ataasiakkaanut taakkuninnga nalunaarutiginninnissamut piginnaatinneqarput. Tarsiagassarsialli inissiat atulernerini, tassa 2009-mi (illorsuit marluk), 2010-mi (illorsuit pingasut) 2011-milu (illorsuit marluk) tunniunneqassapput.

Sananermut akiusup 2/3-iinik erniaqanngitsunik akilersugassaannngitsunillu taarsigassarsinissamut Naalakkersuisut piginnaatinneqarput, taamaattorli m²-imut annerpaamik 10.000 kr.-inik, Namminersornerullutik Oqartussat inissiaataannut attartortittakkanut taarsiutitut piginneqatigiilluni inissialiortoqassappat.

Naalakkersuisut piginnaatinneqarput iluummut pilersinneqarqittumut ataatsimut piginneqatigiilluni inissiatilinnik ataatsinik pilersitsinissamut, peqatigiiffinnik illuutini arlalinnik sanasunik pilersitsinissamut taarsiullugu. Aammattaaq Naalakkersuisut piginnaatinneqarput piginneqatigiilluni inissiatileqatigiiffingortuni siulersuisuni pisinnaatitaaffinni pisussaaffinnilu peqataanissamut. Pisinnaatitaaneq taanna piginneqatigiilluni inissiat piginneqataasussanut tunniunneqarneranni atorunaassaaq.

Illuutit ataasiakkaat tunniunneqarnissaasa tungaannut Naalakkersuisut sanaartugaareersut igutserneqarnissaannut illuutillu nutaat tunniunneqarnissaannut pisariaqartinneqartumik niuernikkut atugasannngortitsinissanut tamanut piginnaatitaapput. Tamatuma saniatigut piginnaatitsinermut ilaatinneqarpoq sanaartorneq aningaasalersuinissamut piginnaatitaaneq, taarsigassarsinissamik nerior-

suinermut uppersaasiinissaq, sanaartortussanik isumaqatigiissuteqarneq, kiisalu aningaaserivimmit qularnaveequsiilluniluunniit aningaasaliisarfirmmit inaarutaasumik aningaasalersuineq.

Naalakkersuisut piginnaatitaapput maanna attartortunut salliutitsilluni illuutini nutaani piginneqa-taanissamik neqerooruteqarnissamut. Attartortuusimasut piginneqataarusuttut naammangippata Naalakkersuisut Namminersornerullutik Oqartussat inissiaataannik attartortut piginneqataasussat neqeroorfigisinnaavaat. Tamatuma kingorna piginneqataasussat naammangippata Naalakkersuisut inunntut piginneqataasussat utaqqisut allattorsimaffianniittunut neqerooruteqarsinnaapput.

Piginneqataaffiusussat tamarmiunngitsoq piginneqataasussanut tunniunneqarpata Naalakkersuisut piginneqataaginnarnissamut inissianillu attartortittakkani piumsaqaatit assinginik piumasaqaateqar-luni attartortitsinissamut piginnaatinneqarput.

Aammattaaq Naalakkersuisut piginneqatigiilluni inissiaatileqatigiinnut taarsiullugit pigisatut inis-siaatileqatigiiffilior-toqassappat pilersitsinermut, ingerlatsinermut aningaasalersuinemullu suliniuteqarnissamut piginnaatinneqarput, taamatullu aamma Naalakkersuisut piginnaatinneqarlutik piginneqatigiilluni inissiaatileqatigiinnik pigisatut inissiaatileqatigiiffinngortitsinissamut, tunis-inginnermi tunniussinnginnermiluunniit.

Pigisatut inissianik taarsiissutitut inissialiormer-mi imaluunniit Namminersornerullutik Oqartussat inissiaataannik attartortittakkanik ingutserinermi Naalakkersuisut piginnaatinneqarput Illuliortitern-nut aningaasalersuineq pillugu Inatsisartut peqqussutaanni nr. 1, 7. maj 2007-imeersumik atuis-innaanissaminnut.

Kontomut pingaarnermut 89.72.21-mut Boligstøtte, nutarterinissamut immikkullu aserfallat-saaliinissamut taarsigassarsisitsineq

Nr. 1.

Naalakkersuisut piginnaatinneqarput ukiup aningaasanut inatsiseqarfiusup iluani, taamatullu Inat-sisartut Aningaasaqarnermut ataatsimiititaliaannut ilisimatitsissuteqarnermikkut, kontop pingaar-nerup matumani pineqartup aamma kontop pingaarnep 87.72.23-p Inissiliortiternermut taper-siissutit, iluarsaassinissamut tapiissutit, akornanni aningaasaliissutinik nikisiterisinnaanissaminnik.

Nr. 2.

Naalakkersuisut piginnaatinneqarput ataatsimut isigalugu kontomut pingaarnermut Aningaasaqar-nermut Ataatsimiititaliamik ilisimatitsinikkut aningaasanik Ukiumi Aningaasanut Inatsiseqar-fiusumi ukiumilu missingersuusiorfiusumi siullermi aningaasaliissutinut sukkulluunniit atuuttunut naapertuuttunik taarsigassarsisitsinissamik neriorsuinissamut taarsigassarsisitsinissamullu.